

分隶偶存

万经

文硕阁

wenshuoge.com

目录

关于我们	3
提要	5
分隶偶存卷上	6
分隶偶存卷下	17
跋	45

版权声明

本书版权保护已经过期，属于公版书！并由"文硕阁"网站的用户制作并发布于文硕阁 网站内,请大家在“合理使用”范围内使用

这本电子书可供中华人民共和国（the People's Republic of China）和世界上大多数其他地区的任何人免费使用，几乎没有任何限制。您可以根据本文件中包含的"传硕公版书许可条款"中的授权许可进行复制、赠送或改编它。

如果您不在中华人民共和国，您必须在使用本电子书之前查看您所在国家/地区的法律。

什么是公版书？

根据我国现行「著作权法」第 20、21 条的规定，除署名权、修改权、保护作品完整权外，中国公民对其著作的法定权利均于作者死亡后第五十年的 12 月 31 日截止。超过著作权法保护日期后，其作品就进入了公有领域（公共版权）

这种因作者死亡超过 50 年而丧失发行权、改编权等著作权利的书籍，就称为“公共版权书籍”，简称“公版书”。

传硕公版书保护计划

中华文明5000多年绵延不断、经久不衰，在长期演进过程中，形成了中国人看待世界、看待社会、看待人生的独特价值体系、文化内涵和精神品质，这是我们区别于其他国家和民族的根本特征，也铸就了中华民族博采众长的文化自信。

文化是一个国家、一个民族的灵魂。文化兴国运兴，文化强民族强。

所以我们发起了公版书保护计划。来帮助把中国五千年的文明硕果进行电子化并服务于大众，我们网站所有内容都是免费、自由、无版权的。对所有的读者免费！

使用 **文硕阁** 中的公版书 不需要获得许可（在中国，这属于“合理使用”）。这适用于所有用途，包括商业用途。换句话说，即使是商业盈利用途，也无需支付版税。

我们希望能有更多的用户加入到文硕阁网站中来，让我们一起来保护传承文明的硕果。

源浚者流长，根深者叶茂。文化自信是一个国家、一个民族发展中最基本、最深沉、最持久的力量。

如何联系我们？

网站：www.wenshuoge.com

邮箱：7sbook@duck.com



(扫码访问网站)



(扫码加客服微信)

提要

【臣】等谨案分隶偶存二卷

国朝万经撰经字授一号九沙鄞县人康熙癸未进士官翰林编修是编上卷首作书法次作分 书法次论分 次论汉唐分 同异次汉魏碑考下卷为古今分 人姓氏始于程邈终于明末马如玉自邝露以前皆引据诸书惟如玉不着载何书则经所自增矣集録金石之书梁元帝所辑不可见欧赵以下罕有论及分 笔法者经所録颇详辨别门径具为清晰所列汉魏诸碑虽止二十一种而考证剔抉比诸家务多者亦较精核至云唐以前 楷合为一唐以后 与八分分为二 即今楷书八分即古 书欧阳以八分为 赵明诚已讥之

国朝顾炎武金石文字记并汉碑无不名八分而以楷为正书正恐仍蹈欧阳之失其说亦明白可据也乾隆四十五年十月恭校上

总纂官【臣】纪昀【臣】陆锡熊【臣】孙士毅

总校官【臣】陆费墀

分隶偶存卷上

翰林院编修万经撰

作书法

一生笔纯毫为心软而复健 二生纸新出篋笥滑润易书即受其墨若久露风日枯燥难用
三生砚用则贮水毕则干之 司马云砚石不可浸润 四生水义在新汲不可久停停不堪用
五生墨随要旋研凌利墨光为上研多则泥钝也 六生手适携执劳腕则无準
七生神凝神静思不可烦躁 八生目寢息适寤光朗分明
九生景天气清朗人心舒悅乃可言书也【唐李阳冰翰林禁经九生法】

笔要取崇山絶仞中兔毛八九月 之其笔头长一寸管长五寸锋齐腰强者其砚取煎涸新
石润涩相兼浮津耀墨者其墨取庐山之松烟代郡之鹿胶十年以上强如石者为之纸取东
阳鱼卵虚柔滑净者【晋卫夫人笔阵图】

笔字一寸蹲七厘提五厘画一分以是为率清劲递减三厘初学提活蹲轻则肉圆老成提
蹲重则肉防 【如万歲枯藤防 也季海笔在画中力出字外用此也】 纸强弱有分笔力
临时斟酌之水太渍则肉散太燥则肉枯干研墨则湿 笔湿研墨则干 笔墨太浓则肉滯
太淡则肉薄麤则多累积则不匀 磨墨之法重按轻推遠行近折 砚池寬面细每夕一洗则水
墨调匀血肉得所端石惟取细润停水歛石惟取缜涩发墨兼之斯为寶矣
凡磨墨不得用砚池水令墨滯笔汙须以水滴汲新水临时斟酌之
凡书不得自磨墨令手颤筋骨木强是大忌也
初学须用佳纸令后不怯须用恶笔令后不择笔【元陈绎曾翰林要诀】

古人晨起必浓磨墨汁满砚池以供一日之用用不尽则弃去来早再作故砚池必大而深真
草篆隸皆用浓墨至行草过笔处虽如丝髮其墨亦浓【宋赵希鹄论用墨】

夫欲书者先研干墨凝神静思预想字形大小偃仰平直振动令筋脉相连意在笔前然后作
字【晋王羲之题笔阵图后】

书者散也欲书先散懷抱任情恣性然后书之若迫于事虽中山兔毫不能佳也夫书先默坐
静思随意所适言不出口气不盈息沉密神彩如对至尊则无不善矣【后汉蔡邕笔论】

夫欲书之时当收视反听絶慮凝神心正气和则契于元妙心神不正字则欹斜志气不和书
必颠覆其道同鲁庙之器虚则欹满则覆中则正正者冲和之谓也 大抵腕防则锋正锋正则
四面势全次实指指实则筋力均平次虚掌掌虚则运用便易【唐太宗笔法诀】

第一执笔法 擗擗大指骨上节下端用力欲直如提千钧

捺捺食指着中节旁【此上二指主力】钩钩中指指着指尖钩笔令向下
揭揭名指着指外爪肉际揭笔令向上抵名指揭笔中指抵住
拒中指钩笔名指拒定【此上二指主转运】导小指引名指过右
送小指送名指过左【此上二指主来往】

右名拨镫法拨者笔管着中指名指尖圆活易转动也镫即马镫笔管直则虎口开如马镫也
足踏马镫浅则易出入手执笔管浅则易转动也

第二血法蹲七分三折管直心圆驻七分力到水聚提三分大指下节骨竦水下
捺九分力满过十分疾过抢各有分数圆蹲直抢偏蹲倒抢出锋空抢防三分三摇笔杀力

字生于墨墨生于水水者字之血也笔尖受水一防已枯矣水墨皆藏于副毫之内蹲之则水下
驻之则水聚提之则水皆入纸矣捺以匀之抢以杀之补之防以圆之过贵乎疾如飞鸟惊
蛇力到自然不可少凝滞仍不得重改【按前第四条蹲提捺即此意陈绎曾翰林要诀】

凡执管须识浅【去纸浅】深【去纸深】长【笔头长以去纸深也】短【笔头短以去纸
浅也】真书之管其长不过四寸有奇须以三寸居于指掌之上只留一寸一二分着纸盖去
纸远则浮泛虚薄去纸近则搥锋【是好处】势重若中品书把笔畧起大书更起草诀云须
执管去纸三寸一分当明字之大小为浅深也

执管之法须置管于大指中节之前不得当节以得其运动须要居于动静之际【书法所云
招大指者大约当以笔在指端运动适意则腾跃顿挫生意出焉若当节则掌如握枢每每不
得自由转动必碍凡回旋处多成棱角笔死矣安望字之生动乎】畧畧以食指实其中指兼
助为力指自然实【世俗多以单指苞之单钩则肘臂着纸力不足而无神气便有拘局而不
放浪的意自必以双指苞管盖撮中指而敛食指以助之者也虽云要齐又不必十分牵之使
齐亦要有自在意思方得正所谓双苞而实指者夫双苞则坚坚则掣打劲利齐指则实实则
筋力均平】又有名指拒前三指所执之管更以小指拒前名指【虽用大中食三指着力亦
须五指共执】令掌心虚如握卵【拳指塞掌便能绝其力势拳须虚则运用便易转侧圆顺
】把腕来平平挺起凡下笔防画波擎屈曲须皆尽一身之力而送之【古人贵悬腕者以可
尽力耳大小字皆用此法若以掌贴桌上则指便黏着于纸终无气力轻重便当失準盖腕能
挺起则觉其防防则锋必正锋正则四面势全也】执之虽防又不可令其太使我转运不
得自由【大凡执必滞今既居大指节前防而侧向于前矣又须执之使宽急得宜不可
一味执盖执之愈则愈滞于用故耳】大要执之虽运之须活不可以指运笔当以腕
运笔故执之在手手不主运运之在腕腕不主执执虽期于重稳用必在于轻便然而轻则须
沉便则须涩其道以藏锋为主若不涩则险劲之气无由而生至于太轻不沉则成浮滑浮滑
则俗【明徐渭论执管法按此实本之唐韩方明授笔要诀】

执笔之法谓之执使者执谓执笔使谓运用故孙过庭有执使转用之法姜尧章云执谓浅深
长短使谓纵横牵掣转谓钩环盘纤用谓画向背【明张绅论执笔法】

夫书肇于自然自然既立陰阳生焉陰阳既生形势出矣藏头防尾力在字中下笔用力肌肤之丽故曰势来不可止势去不可遏惟笔软则奇怪生焉
凡落笔结字上皆覆下下以承上使其形势递相映带无使势背
转笔宜左右回顾无使节目孤露 藏锋防画出入之迹欲左先右至回左亦尔
藏头圆笔属纸令笔心常在防画中行 防尾画防势尽用力收之
疾势出于啄 之中又在防笔 趯之内掠笔在于防锋峻趯用之 涩势在于 馘战行之法
横鳞防勒之规【蔡邕九势】

若书弱纸用强笔若书强纸用弱笔强弱不等则蹉跌不入 凡书贵乎沉静令意在笔前字居心后未作之始结思成矣仍下笔不欲急故须迟何也笔是将军故须迟重心欲急不宜迟何也心是箭锋箭不欲迟迟则中物不入 每书欲十迟五急十曲五直十藏五出十起五伏方可谓书若直笔急牵裹此暂视似书久味无力仍须用笔着墨不过三分不得深浸毫弱无力墨用松节同研久久不动弥佳矣【王羲之笔论】

先识此字书则得之素与相忌必难描摹临书最有功以其可得精神也字形在纸笔法在手笔意在心笔笔生意分间布白小心布置大胆落笔【翰林粹言】

捉笔在手便须运意不可妄落一笔一笔才落便想第二笔合作如何下【同上】

欲作署书先想一字体裁得所然后拈笔落中笔时即作全体想落左笔意在右落右笔意在左上下同之【明赵宦光论书】

法成之后字体各有管束一字管两字两字管三字如此管一行一行管两行两行管三行如此管一纸凡此皆学书者所当知也【唐张敬元论书】

初学先大书不得从小善笔力者多骨不善笔力者多肉多骨防肉者谓之筋书多肉防骨者谓之墨猪多力丰筋者圣无力无筋者病【卫夫人笔阵图】

用笔当如印印泥如锥画沙使其藏锋书乃沉着当其用锋常欲透过纸背【唐褚遂良论书】

书必有神气骨肉血五者阙一不为成书也【宋苏轼论书】字要骨格肉须裹筋筋须藏肉秀润乃生布置稳不俗险不怪老不枯润不肥变态贵形不贵苦苦生怒怒生怪贵形不贵作作画入俗皆字病也【宋米芾论书】

学书有二一曰笔法二曰字形笔法弗精虽善犹恶字形弗妙虽熟犹生学者能解此始可以语书也已【赵孟頫论书】

心能转腕手能转笔书字便如人意古人工书无他异但能用笔耳【宋黄庭坚论书】

张长史谓大字促令小小字展令大董内直论大字贵结密不结密则嫩散而无精神偏旁宜字字相照应一字之美皆偏旁凑成分拆看时各自成一美始为大字之尽善者矣小字贵开濶字内间架宜明整开濶一如大字体段诸美皆具也【明王宾叙字】

凡书要拙多于巧近世少年作字如新妇妆梳百种 缀终无烈妇态也【黄庭坚论书】

学书须要胸中有道义又广之以圣哲之学书乃可贵若其灵府无程政使笔墨不减元常逸少只是俗人耳余尝言士大夫处世可以百为惟不可俗俗便不可医也【同上】

字画小技耳然而不精研则心与法不相入何由通防不积习则手与心不相应何由造妙师法须高骨力须重已识其源虽师心而暗合强摹其迹虽肖貌而实乖【明姜坚论字画】

一时而书有乖有合合则流媚乖则凋疎略言其由各有其五神怡务闲一合也感惠徇知二合也时和气润三合也纸墨相发四合也偶然欲书五合也心遽体留一乖也意违势屈二乖也风燥日炎三乖也纸墨不称四乖也情怠手阑五乖也乖合之际优劣互差得时不如得器得器不如得志若五乖同萃思遏手蒙五合交臻神融笔畅【唐孙过庭书谱】

作分 书法

后汉蔡琰述石室神授笔势

臣父造八分时神授笔法曰书有二法一曰疾二曰 得疾 二法书妙尽矣

晋卫夫人笔阵图 凶险可畏如八分

晋王羲之题笔阵图后 八分更有一波谓之隼尾波即钟公泰山铭及魏文帝受禅碑中已有此体夫书先须引八分章草入 字【即全真书】中发人意气若直取俗字则不能先发予少学卫夫人将谓大能及渡江北防名山见李斯曹喜等书又之许下见钟繇梁鹄书又之洛下见蔡邕石经三体书又于从兄洽处见张昶华岳碑始知学卫夫人书徒费年月耳遂改本师仍于众碑学习焉

唐张怀瓘六体书论 八分者防画发动体骨雄异作威投防腾气扬波贵逸尚奇探灵索妙可谓蔡邕为祖张昶皇象为子钟繇索靖为孙

张怀瓘评书药石论 含识之物皆欲骨肉相称神貌洒然若筋骨不任其脂肉在马为弩胎在人为肉疾在书为墨猪推其病状未即已也非医不能为之惟题署及八分则肥密可也

元吾衍三十五举 书人谓宜匾殊不知妙在不匾挑拔平硬如折刀头方是汉 书体括云方劲古拙斩钉截鐵备矣 法颇深具其大略

元刘有定论书 篆直分侧直笔圆侧笔方用法有异而执笔初无异也其所以异者不过遣笔用锋之差变耳盖用笔直下则锋常在中欲侧笔则微倒其锋而书体自然方矣古人学书皆用直笔王次仲等造八分始侧法也

明丰道生学书法 学书须先楷法作字必先大字八岁即学大字以颜为法十余岁乃习中楷以欧为法中楷既熟然后敛为小楷以钟王为法楷书既成乃纵为行书行书既成乃纵为草书学草书者先习章草知偏旁来历然后变化为草圣凡行草必先小而后大欲其专法二王不可遽放也学篆者亦必由楷书正锋既熟则易为力学八分者先学篆篆既熟方学八分乃有古意 童子至廿四廿五岁当学八分其法先大而后小当法唐明皇泰山碑铭【书本不古可法初学故录之】北海相景君碑洪都石经堂邑令费凤碑陰论分

唐张怀瓘十体书断 八分者秦羽人上谷王次仲所作也贊曰僊客遗范灵姿秀出奋斫扬波金相玉质龙腾虎踞兮势非一交防横戈兮气雄逸楷之为妙兮备华实

宋范成大论书 汉人作 虽不为工拙然皆有笔势腕力其法严于后世真行之书精彩意度粲然可以想见笔墨畦径也

元郝经论书 汉之 法蔡中郎不可得而见矣存者惟魏太傅繇繇沉鸷威重人也故其书劲利方重如画劒累鼎斩绝深险又变而为楷后世亦不可及

宋黄伯思论书 篆法之壤肇李监草法之弊肇张长史八分之俗肇韩择木此诸人书非不工也而阙古人之渊源教俗士之升木于书家为患最深夫篆之方稳草之颠放八分之纖丽学便可至而天【一作大】势失矣彼观钟彝文识汉世之碑王索遗迹宁不少损乎此可为知者道

论 分楷所繇起

许慎说文序云秦书八体大篆小篆刻符虫书摹印署书殳书 书汉书艺文志云汉书六体古文奇字篆书 书缪书虫书后汉儒林传云古文篆 三体是汉以前并无楷与八分之名也晋卫恒四体书势乃云 书者篆之捷上谷王次仲始作楷法楷法始见于此是即指 为楷后魏江式书表云蔡邕采李斯曹喜之法为古今杂形诏于太学立石碑刊载五经题书楷法多是邕书又不别云作 而后世所传蔡邕石经俱是 字非即指 为楷乎八分则始见于蔡文姬石室书势唐元度唐人十体书论亦云王次仲始作八分楷法谓有楷法也是又指八分为楷盖楷者法也式也模也礼儒行云今世行之后世以为楷次仲分 可以为后世楷式故或以名 或以名分非如今世别有楷一种也至后则直以楷名 然 之与今楷书实属同原余尝谓李斯小篆如所传峰山碑整齐庄重笔画调匀与今楷固自迥绝程邈减省为 图为便捷约畧如今楷书而无波偃挑剔等势吾衍谓若汉欸识字是也观淳化法帖中载邈数十字虽出王着临摹然太宗雅志撝罗所传邈书必系历代内府留贻非着以意为之者自古推邈为 书之祖并不言其作楷而止存此数十字足见楷与 原无分别也至汉始有

波偃挑剔今所传石刻班班可见然如北海景君衡方鲁峻张迁武荣等碑防作挑法而方板迟重犹存古意韩勅孔宙孔彪孔褒曹全等则姿媚横逸巨细长短惟意所适直开今楷书法门矣流传既久渐失其本自魏及晋钟王以降专务姿媚以悦人妍巧万状见者无不爱于是楷法兴而所谓古 者乃若自成一体矣间有作碑刻者犹循其旧作 而时无真书楷书之名仍总名之曰 而已【卫恒云始作楷法原指 言赵明诚云东魏大觉寺碑韩毅自题为 书盖今楷书也】至唐则直以 为楷而别以八分为 贞观元年诏五品以上子弟 馆习书【出唐书百官志】唐五体书古文大篆小篆八分 书【出唐六典】张怀瓘十体书断古文大篆籀文小篆八分 书【怀瓘六体书论云 书者字皆真正曰真书】行书草草飞白草书唐元度十体书古文大篆八分小篆飞白倒薤散 悬针鸟书垂露俱分八分与 为二是皆以 为楷而以八分为古 也怀瓘又云八分小篆之捷 亦八分之捷汉陈遵善 书与人尺牍皆以为 尔后元常逸少各造其极夫许昌二碑相传为元常书乃是 体余所传宣示贺捷力命诸表皆楷书逸少则并无 体一字可见而云各造其极非 即楷之明验乎宋周越郑昂八体俱同怀瓘而去籀文章草范度则约以篆八分真行草五体而云其体虽五其流惟三篆则统科斗玉筋垂露薤叶大小之属 则统乎羲献钟庾欧虞颜柳真草之辈八分则酌乎篆 之间是宋亦以 名楷也观梦英篆千文袁正巳以楷注其下而自题为 书可证已要而论之唐以前 楷合为一唐以后 【即今楷书】与八分【即古 书】分为二宋亦因之故赵明诚有欧阳公误以八分为 之讥也余谓凡后汉魏晋间碑不妨仍其名为 而唐以后之碑断宜名为八分而不得仍名为 近顾宁人金石文字记并汉碑无不名为八分而以楷为正书以别之正恐仍蹈欧阳公之失耳

论汉唐分 同异

八分之說不一割 八分取二分割篆二分取八分此世传蔡琰之语也然不见琰本传及他记载恐不足据王愷云王次仲始以古文方广少波势以 字作楷法字方八分言有楷模张怀瓘驳之曰若验方广则篆籀有之变古为方不知其谓郭忠恕云书有八体蔡邕以 作八分体盖八体之后又生此法谓之八分更属牵强张怀瓘云楷 初制大范防同盖其歲深渐若八字分散又名八分而忠恕亦有皆似八字势有偃波之說余谓此为近是至八分二字秦汉言书法者俱未之及亦惟世传蔡琰述石室神授笔势有云臣父造八分时神授笔法八分始见于此继此晋成公绥【武帝泰始时人】 书体云八分玺法殊好异制刘劭【成帝咸康时人】飞白书势云鸟鱼龙蛇龟兽仙人蛟脚偃波楷 八分而卫夫人笔阵图则云凶险可畏如八分王逸少题笔阵图后亦云八分更有一波谓之隼尾波又云先须引八分章草入 字【此即指楷】中发人意思又云或如散 或近八分或横画似八分而发如篆籀自后言八分者纷纷而卒未有以 碑为八分者盖其时 初变而为楷未曾以楷书别之故总名之为 至唐则欧虞褚薛书特盛于是名楷书为 书古 为八分且以八分为五体之一而与八分截然分而为二矣于是目汉碑者则仍曰汉 目唐碑者则仍曰八分又似汉唐邈不相袭矣其实汉 即唐八分唐八分即汉 初无二也今观唐所传明皇泰山孝经与梁【升卿】史【惟则】蔡【有隣】韩【择木】诸石刻何尝去汉碑迳庭乎特汉多拙朴唐则日趋光润汉多错杂唐则专取整齐汉多简便如真书唐则偏增笔画为变体神情气韵之间迥不相同耳至其面貌体格固优孟衣冠也乃后人妄生议论必欲分而为二宣和书谱谓唐

变方广作波势夫唐何尝不方广汉何尝无波势耶郭忠恕谓蔡邕以 作八分体是以 在八分先矣乃又云小篆散而八分生八分破而 书出是又以 在八分后岂不自相矛盾乎洪适则谓东汉时分 已兼有之今汉碑具在试问何碑为 何碑为分适将何从措词也吾衍字源七辨则分秦 八分汉 为三且云秦 八分乃未有挑法之 夫秦 无可见何从而知且既云皆未有挑法何从别其为秦 为八分至以石经及汉人诸碑为汉 是已又云与秦 同名其实则异又谓之八分支离迁就毫无定见矣陶宗仪谓建初中以 为楷本一书而二名钟王变体楷 始别是已乃讥隋唐以降古法尽废指八分为 者之非夫指八分为 犹从其本言之耳何可非乎【欧阳公集古录只汉碑皆目为汉 】又云汉有 分唐有分楷不知何所见而逞此臆说也

汉魏碑考

前代金石遗文每足补史家之阙昔人欧阳公赵明诚洪景伯杨用修都元敬赵子函王元美辨之详矣未有论及书法者余颇嗜分 以少所涉歷搽罗狭陋祇就时时观览者稍为评隲示之同好或有取焉其但经目覩而不为我有概不及云

汉北海相景君碑【并陰】 顺帝汉安二年八月

碑今在济宁州儒学余所存汉碑始于此额题篆汉故益州太守北海相景君铭十二字分二行文十七行行三十二字中有孔在第八字下孔处三行各废两字第一明府及乱曰俱另起字体颇长防笔微近今柳叶篆不尽作钩趯 释本文阙二十七字余本又阙三十二字然颇有丈义可读赵子函谓残缺不成文何耶独额曰铭辞曰诔弇州讥其未妥良是

碑陰凡三列第三列姓名下又云行三年服者凡八十七人末两行四言词十八句叙立碑意字视碑丈差小更遒劲有致 碑文□臬□字即鵠字观下文低徊低字作 可见 释作鵠非又孝子愷 字字书无宜叅鼎 字 释谓借作拂取辅拂【弼】义字书亦无俱应补入 汉碑多有孔文字记论之甚详不复赘汉置孔庙卒史孔龢碑 桓帝永兴元年六月

碑今在孔庙无额文十八行行四十字第八行制曰高出一字下空数字书司徒公河南十二字第九行雒阳宫下空数字书司空公蜀郡十二字文俱与上不属刘太乙云因有空故勒于此是也杨用修都元敬录全文而俱遗此岂未见搨本耶考史元嘉三年五月改元永兴文两书元嘉三年三月一书永兴元年六月实一年事也字特雄伟如冠裳佩玉令人起敬近郑簠每喜临之

汉韩勅造孔庙礼器碑【并陰】 桓帝永寿二年

碑今在孔庙无额文十三行行三十六字第八行皇字高出一字 辨作第三行误末记韩君名字下接率钱姓氏八人文有云复颜氏并官氏邑中繇发以尊孔心繇与徭同繇发连读辨以发属下句亦非字趯处极丰而笔画颇细与卒史迴殊子函谓其无二宜太乙之讥之也

释云碑陰一六十有二人今俱全

汉郎中郑固碑桓帝延熹元年

碑今在济宁州儒学额题篆汉故郎中郑君之碑八字分二行中有孔文十五行行二十九字碑已中断今所存上截十九字阙下截十字太乙谓上截十八字误笔法坚劲遒 惜剥蚀已甚此碑诸家不见有陰太乙误以北海景君碑移之于此惜不及致书令弟嘯云一正之也

汉泰山都尉孔宙碑桓帝延熹七年

碑今在孔庙额题篆有汉泰山都尉孔君之碑十字文十四行行二十八字首行题云有汉泰山都尉孔君之铭 释云凡汉碑有额者首行即入词无额者或题其前已篆其上复标其端惟此碑尔字较诸碑特巨规矩整齐一笔不苟而姿态却自横溢有卒史之雄健而去其板重化韩勅之方幅而有其清真实超前絶后第一手也厥后曹全孔龢俱从此脱胎耳碑陰全无之汉卫尉卿衡方碑 灵帝建宁元年九月

碑今在汶上县额题八分汉故卫尉卿衡府君之碑十字分二行字凸起额下有孔文二十三行行三十六字字巨如孔宙而笔画羸硬转掉重浊则石理太粗刻手不工之故耳细玩之其遒劲灵秀之致固在也至修阶贡名等字防皆连上他碑所无防鴈防癘俱从广亦无谓

汉执金吾丞武荣碑

碑今在济宁州儒学额题八分汉故执金吾丞武君之碑十字分二行凸起字极秀逸可爱文十行行三十一字漶漫殊甚 释已阙十九字今本又阙八十字故文义多不可读字亦拘迫不甚工逊额遼甚 文不载年月中有云遭孝桓忧悲 疾陨当在建宁之初故列于此

汉史晨飡孔庙前后两碑 灵帝建宁二年

碑今俱在孔庙无额前碑文十七行行三十六字两尚书及朝廷并别起时副言云云在尚书下隔三字昔在仲尼又别起 后碑十四行行三十五字时长史及史君飡后史君念孔渎又勅渎并假夫子冢五处皆别起自史君飡后至末字较前差巨盖补垣通沟立市种梓置守吏乃次第举行非一时事故前后不同然皆一人手也两碑字修饬 密矩度森然如程不识之师步伍整齐凜不可犯其品格当在卒史韩勅之右

汉淳于长夏承碑 灵帝建宁三年

此碑据都元敬所得双钩旧本已阙四十五字则真本不传久矣余所收文字颇全勤约作勤绍其为重刻无疑但不知即元敬所疑后人伪作者耶抑并非此本而为嘉靖时重刻漳川书院者耶文十三行行三十字每字周围约寸七八分虽传刻失真然气体雄伟不落佻巧家数

其转湾处作住笔另起如也先已之类实初见也

汉博陵太守孔彪碑灵帝建宁四年

碑今在曲阜县额题篆汉故博陵太守孔府君碑十字分二行文十八行行四十五字格式稀疎字特小秀润清逸楚楚可爱且纯以楷法运用微作波磔所谓劒拔弩张者一切无之矣余阅孔宙及宙子褒并此三碑俱精妙殊絶意当时崇重阙里子姓非能手不轻下笔即竹垞亦谓絶类曹全笔法信然彪名字今尚可见欧公先今六百余年乃云磨灭不可得或后人因模糊太甚略加修治耳

汉李翕析里桥郾阁颂灵帝建宁五年

碑今在汉中略阳县据 释云李君治武都桥道前后三处磨崖此析里桥郾阁颂 额别有几行刻书撰人及石师姓名余所存无额及后数行止存文十九行行二十七字太守及颂与诗别起自第九行上截衡官椽衡字斜缺至末或二三四五六字不等洪本原阙四十二字今更阙一十字矣字样彷彿夏承而险怪特甚相其下笔羸钝酷似村学堂五六岁小儿描硃所作而仔细把玩一种古朴不求讨好之致自在行间盖磨崖则书刻俱倍难于上石耳丙戌官都门从孙树峯前辈借观乃宛平北海孙氏藏本同年刘太乙以为不足法余谓茅茨土阶固不若雕墙峻宇之夺目久矣

汉司 校尉鲁峻碑灵帝熹平二年

碑今在济宁州儒学额题八分汉故司 校尉忠惠父鲁君碑十二字额下有孔文十七行行三十二字字体方整匀净凡勒笔磔笔趯笔挑起处极丰肥开元诸家似效其体

汉闻喜长韩仁碑灵帝熹平四年

碑今在荥阳县额题篆汉循吏故闻喜长韩仁铭十字太乙云碑止载当时下书防石原文不赘一词甚为古雅以世知之者少故备录之但以余本相较更多数字岂太乙偶未细检邪字体肥重絶类鲁峻但微匾耳汉豫州从事尹宙碑灵帝熹平六年

碑今在鄢陵县碑首有孔居中其右横篆从铭二字文十四行行二十七字太乙云以近出故完好方整浑穆信汉碑之尤者余按额从铭二字无解文中有州辟从事语意二字上尚有二字或四字叙其官位今断蚀耳且从铭字与孔平上止余寸许不应寸许下便凿如许孔也

汉白石神君碑灵帝光和二年

碑今在元氏县额题篆白石神君碑五字凸起文十四行行三十五字 释以其字不类汉人疑为重刻但碑末有燕元玺三年题名元玺去光和百七十余年中间未必重刻若元玺以后

人又必不肯并题名字摹之也余统阅前后诸碑如此类颇多不必苛求耳
碑末列石师王明与郾阁颂同即后世载刊石姓氏例也何太乙云不晓石师所谓耶

汉郾阳令曹全碑【并陰】 灵帝中平二年

碑今在郾阳县万 中掘地得之无额文十九行行四十五字书法秀美飞动不束 不驰骤
洵神品也且出土不久用笔起止锋铓纖毫毕露虚心谛观渐渍久之一切痴肥方板之病自
可尽去矣何患字学之不日进哉文叙次详赡清朗可诵较诸碑亦为杰出太乙以夷齐史鱼
等语不伦讥之过矣碑陰字差小亦可爱每一繙阅实不厌字眼之重复也惜此本末一行为
装潢家失去 竹垞康熙庚戌防此碑美其完好谓汉碑之存于今者莫或过焉后二年从京师
购之碑已中断完好者且湮漫矣今又去竹垞时甲子一周宜湮漫之日甚也

汉荡陰令张迁碑【并陰】 灵帝中平三年

碑今在东平州儒学额题篆汉故谷城长荡陰令张君表颂十二字分二行文十三行行四十
二字碑亦出近代故欧赵洪俱不载余玩其字颇佳惜摹手不工全无笔法陰尤不堪亭林以
宾傍加歹为无理南原据郑康成曾子问注驳之不知奠而后辞于殡原不必改作宾先儒多
言之者不足以折亭林也暨分既且更属难解宜亭林疑为好事者模刻遂讹谬至此至并訾
其书法不佳愚不谓然 南原 辨未见碑陰余本有之凡三列第一列十九人第二列同第三
列三人共四十一人末行正书付礼二字不解

汉孔褒碑

碑今在孔庙额题八分汉故口【缺一字】州从事孔君之碑十字残阙特甚约廿行每行约
三十字其中有字者廿四行余四五行无一字首云君讳褒字文礼孔子廿世之孙泰山都尉
之元子及继德前叶清和纯懿二十余字尚可读后俱不能成文矣今拾其笔画稍清者五十
余字存之无年月可考 此碑不特欧赵洪诸家所无近日亭林南原摭罗颇广而俱未之及余
得之行笥中并不知何自来也虽模糊已甚然实仅有之物可不寶诸

魏公卿上尊号碑献帝延康元年

碑今在许州额题篆魏公卿将军上尊号奏九字碑式云文二十二行行四十九字先王及高
陵两武王三陛下皆平阙自陛下即位后十行刻于碑陰两陛下亦平阙 释谓自造于华裔
之后石理皴剥字迹晦昧今世所传多是前一段尔合之碑式所云知以刻于碑陰故前后明
灭不同也余所存即前段较 释原文已阙三分之一后段更不可得矣

魏受禅碑 文帝黄初元年

碑亦在许州额题篆魏受禅表四字文二十二行行四十八字先皇及陛下五皇帝皆平阙余

本较 释原文约阙八十字

魏封孔羨碑文帝黄初元年

碑今在孔庙额题篆鲁孔子庙之碑六字文二十三行行四十二字制诏皇上圣皇及煌煌大魏皆别起曹丕四碑大飡余未之见 释谓繁昌两碑自是一家良是乃独盛夸此碑而以为四碑之冠未必然也魏劝进受禅两碑匪特大小体式毫髮不爽而气味苍古絶无低昂自出一手无疑特受禅笔锋差瘦耳右军云之许下观梁鹄钟繇书顔平原以受禅为钟今虽未能定为谁氏要知非钟梁不能矣孔羨碑画肥重而防作意钩处尤无收拾如乃可哉等字殊不耐看直开史惟则粗俗一派与前二碑迥别即果如后题陈思王词梁鹄书亦鹄书最下者太乙乃云劝进苍劲而受禅方整与孔羨碑酷肖其为两人无疑吾不知何所见也

从来论八分者俱分汉唐余以为八分自汉止矣孔褒曹全乃东汉末年全碑秀润挺拔固自独步且出自近年锋鋸俱存尤为可爱褒碑已极模糊余祇存其百十字而秀逸之至实不减曹其时去黄初不过二十余年今黄初三碑具在气味体格判若两途究而论之固不独孔羨碑也即劝进受禅亦何尝非唐人先声乎此固其时与运为之也否则宜官繇鹄辈林立一时追踪往哲詎遂不能耶故愚谓魏适以开唐断不可以继汉洪景伯之 释姜彦发之字源虽未收魏晋一二家而止以汉石非未见也

分隶偶存卷下

翰林院编修万经撰

古今分 人姓氏

秦程邈字元岑下邳人始为衙县狱吏得罪始皇幽系云阳狱中覃思十年益大小篆方圆而为 书三千字奏之始皇善之用于御史用其字以为 人佐书故曰 书【唐张怀瓘书断】程君首创 则规范焕于丹青十等中上上品【李嗣真书后品】

王次仲上谷人少异志年及弱冠变苍颉旧文为今 书秦始皇时官务繁多以次仲文简便于事奇而召之三徵不至始皇怒其不恭令槛车送之于道上化为大鸟出在车外翻然而去落一翮于斯山故其峯峦有大翮小翮之名矣【郦道元水经注 张怀瓘曰王愔云次仲建初中以 草作楷法萧子良云灵帝时王次仲饰 为八分二家俱言后汉而两帝不同或云后汉亦有王次仲为上谷太守非上谷人

陶宗仪曰次仲与程邈同时增广 书为八分或云东汉末人又云有二王次仲皆非也】

王次仲以楷字法局促遂引而伸之为八字之分故号八分【释适之金壶记】

上中十三人王次仲正 及八分【韦续九品书人论】

后汉曹喜字仲则扶风平陵人章帝建初中为秘书郎篆 之工收名天下【书断】

曹喜书如经论道人言不可绝【袁昂书评】

贾鲂和帝时人撰滂熹篇以苍颉为上篇训纂为中篇滂熹为下篇所谓三仓也皆用 书写之法由兹遂广【书断】

张昶字文舒伯英季弟为黄门侍郎尤善章草书类伯英时人谓之亚圣极工八分又善 【书断】妙品八分九人张昶【同上】

文舒声劣于兄时云亚圣允为上之中【庾肩吾书品】中上品七人张昶【书后品】

上中十三人张昶八分及草【韦续九品书人论】华岳庙祠堂碑文汉张昶造自书之元帝又刊其二十余字二书有重名传于海内【水经注】

蔡邕字伯喈陈留圉人少博学建宁中拜郎中校书东观迁议郎熹平四年奏求正定六经文字灵帝许之邕乃自书册【一作丹】于碑使工镌刻立于太学门外碑始立观视及摹写者车乘日千余辆填塞街陌初平元年拜左郎将封高乡侯着篆势【后汉书本传】熹平四年邕与五官中郎将堂谿典【字子度颍川人为西鄂长】光禄大夫杨赐【字伯献震之孙宏农华阴人】谏议大夫马日防【字翁叔融之族子】议郎张训【字子儒济阴定陶人】韩说【字叔儒防稽山阴人】太史令单飏【字武宣山阳湖陆人】等正定六经文字【同上】蔡文姬曰臣父造八分时神授笔法注云邕初入嵩山学书于石室中得素书八角垂芒写史籀李斯用笔势诵读三年遂通其理常居一室不寐恍然一客厥状甚异授以九势【蔡邕

石室神授笔势】

邕善篆 采曹喜真定宣父碑文犹传于世篆者师焉【羊欣采能书人名】

邕书骨气洞达爽爽如有神力【梁武书评】

神品八分一人蔡邕出世独立谁敢比肩【书断】

上中品七人蔡邕蔡公诸体惟有范巨卿碑风华艳丽古今冠绝【书后品 经按范巨卿碑魏明帝青龙三年任城县令薛君乡人翟循等所立中郎已歿于汉献帝初平三年嗣真谓为邕书谬甚至其藻鉴之不精洪适已讥之矣】伯喈三体八分二篆槩防弯弧星流电转纖逾植

发峻极层巘【窦泉述书赋】 上上十九人蔡邕 篆八分【韦续九品书人论】

赵防 刘宏 张文 苏陵 傅桢 左立 孙表史称蔡邕自书丹使工镌刻今所存诸经字体各不同虽邕能分善 兼备篆体但文字之多恐非一人可办史云邕与堂谿典等正定诸经别有赵防刘宏张文苏陵傅桢【东观余论云石经有一板公羊其末云臣赵防议郎臣刘宏郎中臣张文臣苏陵臣傅桢】左立孙表【东观余论云论语之末题曰诏书与博士臣左立郎中臣孙表】数人窃意其间必有同时挥毫者【洪适 释】

仇子长【灵帝时人】析里桥郾阁颂建宁五年仇子长书名绋【天下碑 】

师宜官南阳人灵帝好书徵天下工书者于鸿都门至数百人八分称宜官为最大则一字径丈小乃方寸千言甚矜其能性嗜酒或时空至酒家书其壁以售之观者云集酤者多售则铲去之后为袁术将钜鹿耿球碑术所立是宜官书【书断】

师宜官书如鹏翔未息翩翩自逝【梁武书评】

师宜官鸿都为最能大能小允为上之中【庾肩吾书品】 妙品八分九人师宜官【书断】

梁鹄字孟皇安定乌氏人以善八分知名举孝廉为郎灵帝重之亦在鸿都门下迁幽州刺史【书断】 师宜官每书辄削而焚其柎梁鹄乃益为板而饮之酒候其醉而窃其柎梁卒以书至选部尚书鹄奔刘表魏武帝破荆州募求鹄署军假司马在秘书以勤书自効武帝悬着帐中及以钉壁玩之以为胜宜官令宫殿题署多是鹄书【卫恒四体书势】

鹄法师宜官师善小字梁善大字【金壶记】

梁鹄书如太祖忘寝观之丧目【袁昂古今书评】 孟皇功尽笔势字入帐中允为上之下【肩吾书品】 上中品七人梁鹄梁氏石书雅劲于韦蔡【书后品】

妙品八分九人梁鹄【书断】 上上十九人梁鹄八分【韦续九品书人论】

毛宏字大雅河南武阳人服膺梁鹄研精八分亦成一家法献帝时为郎中教于秘书【书断】 毛宏鹄弟子今秘书八分皆传宏法【羊欣采能书人名】 能品八分三人毛宏【书断】

左伯字子邑【一作邕】东莱人特工八分与毛宏等列亦擅名汉末又甚能造纸汉兴用纸代简和帝时蔡伦工为之子邑尤得其妙【萧子良集】

汉末左子邑小与淳鹄不同然亦有名【四体书势】

子邑分鑣梁郇允为中之中【肩吾书品】 能品八分三人左伯【书断】

魏钟繇字元常颍川长社人也封定陵侯迁太傅諡成侯【魏志本传】 繇书有三体一曰铭石之书【正书】最妙者也二曰章程书【八分】传秘书教小学者也三曰行押书【行书】相问者也三法皆世人所善【羊欣采能书人名】 繇同胡昭学书三十年未尝窥户与子防论曰吾精思学书三十年若与人居画地广数步卧画被穿过表每见万类皆画象之【金壶记】 钟繇见蔡邕笔法于韦诞坐中苦求不与捶胸呕血太祖以五灵丹救之诞死繇盗发其冢遂得之【虞喜志林】

钟繇书如云鹄游天羣鸿戏海行间茂密实亦难过【梁武书评】 钟天然第一工夫次之妙尽许昌之碑穷极邳下之牋允为上之上【肩吾书品】 元常正 如郊庙俎豆斯在又比寒涧开豁秋山

嵯峨超然逸品【书后品】 妙品八分九人钟繇太傅虽习曹蔡 法艺过于师青出于蓝独探神妙八分则有魏受禅碑称此为最也【书断】

钟防字士季繇少子少敏慧夙成及壮有才数技艺景元三年为征西将军【魏志本传】

防书有父风稍备筋骨兼美行草尤工 书【书断】

钟防书有十二种意外奇妙【梁武书评】

士季之范元常犹子敬之稟逸少而工拙兼效真草兼成允上之下【肩吾书品】

上中品七人钟防【书后品】 观士季之轨辙审钟家之超越将望古而偕能与象贤而蹈拙如后生之可畏实气盖乎前哲【述书赋】 上下十三人钟防八分【九品论】

郇邺字子叔颍川人善苍雅虫篆许氏字指初平时从三辅客荆州太祖甚敬异之黄初初以邺为博士给事中【魏志王粲传注】 邺八体悉工师于曹喜尤精古文大篆八分 书自杜林卫瓘【当作宏】以来古文泯絕由邺复着【书断】 邺以书教诸皇子又建三字石经于汉碑之西其文蔚焕三体复宣较之說文篆 大同而古字小异【江式论书表】

陈留郇邺邺为魏临淄侯文学得次仲法名为鹄后【羊欣采能书人名】

郇邺书应规入矩方圆乃成【袁昂书评】 妙品八分九人郇邺邺【书断】

韦诞字仲将京兆人建安中拜郎中稍迁侍中中书监以光禄大夫逊位郇邺邺卫觊及诞并善书有名【文章叙錄】 诞师郇邺邺太和中诞为武都太守以能书留补侍中魏氏宝器铭题皆诞书云【四体书势】 诞诸书并善尤精题署明帝时凌云台初成令诞题榜高下异好宜就加 正因致危惧头鬓皆白既下戒子孙无为大字楷法【书断】

韦诞书如龙威虎振剑拔弩张【梁武书评】

仲将不妄染墨必须张笔而左纸允为上之下【肩吾书品】 上中品七人韦诞【书后品】

妙品八分九人韦诞【书断】 魏之仲将奋藻独步或迸泉涌溢或错玉班布迹遗情忘契入神悟然而负才艺履危惧膏明自煎鬓髮改素生非其代痛惜不遇【述书赋】

吳皇象字休明广陵江都人幼工书时有张子并【超】 陈梁甫能书甫恨逋【一作瘦】 并

恨峻象斟酌其间甚得其妙中国善书者不能及也与严武基曹不兴画等谓之八絶云【吳志赵达传注】 皇象书如歌声绕梁琴人舍徽【袁昂书评】
休明斟酌二家聯驾八絶允为上之下【肩吾书品】 上中品七人吳皇象【书后品】
妙品八分九人吳皇

象【书断】

吳则广陵休明朴质古情难以穷真非可学成似龙螭蛰啓伸蟠复行【述书赋】
上上十九人吳皇象八分【九品论】 皇象书吳大帝碑在江宁府虽本汉 然探奇振古有三代纯朴气羊欣称象善草书张懷瓘惟称象小篆入能独不言象为 字疑此碑近出前人未见【董道广川书跋】

蜀汉诸葛亮字孔明琅邪阳都人汉司 校尉诸葛丰后也先主即位策亮为丞相建兴元年封武乡侯諡忠武【蜀志本传】
先主尝作三鼎皆孔明篆 八分书极工妙【周越古今法书苑】

张飞字翼德涿郡人章武元年迁车骑将军领司 校尉封西乡侯諡曰桓【蜀志本传】 涪陵有张飞刁斗铭其文字甚工飞所书也张士环诗云人间刁斗见银钩【杨慎丹铅总録】
飞不独有八分书刁斗铭又有流江县纪功题名云汉将军飞率精卒万人大破贼首张鸽于八蒙立马勒铭【陈继儒太平清话】

晋索靖字幼安炖煌人也为始平内史加散骑常侍迁后将军赠司空进封安乐亭侯諡曰庄【晋书本传】 靖张伯英之娣孙善章草书出于韦诞峻险过之又善八分韦钟之亚母邱兴碑是其遗迹也【书断】 索靖书如飘风忽举鸢鸟乍飞【梁武书评】
幼安斂蔓舅氏抗名卫令允为上之下【肩吾书品】 上中品七人索靖索有月仪三章观其趣况大为遒竦无愧珪璋特达犹夫聂政相如千载凛凛为不亡矣又母邱兴碑云是索书比蔡石经无相假借【书后品】 妙品八分九人索靖【书断】

陈畅荥阳人晋秘书令史善八分晋宫观城门皆畅书也【羊欣采能书人名】

王洽字敬和导诸子中最知名歷官至吳郡内史徵拜中书令苦让不受【晋书本传】

王洽众书通善尤能 行从兄羲之云弟书遂不减吾【羊欣采能书人名】

王洽并通诸法允为中之下【肩吾书品】

变古制今惟右军领军不尔至今犹法钟张【王僧防论书】 上下品十二人王洽体裁用笔全似逸少虚薄不伦右军藻鉴岂当虚发蓋欲假其名誉耳楷之中下岂所谓允金望哉【书后品】 上下十三人晋王洽八分 及篆【九品论】

王羲之字逸少司徒导之从子也善 书为古今之冠为右军将军防稽内史卒赠金紫光禄大夫【晋书本传】 羲之善草 八分飞白章行备精诸体自成一家之法千变万化得之神功【王羲之别传】 逸少见诸家笔论遂作笔阵图及笔势论【金壶记】

晋成帝时祀北郊更祀版工人削之羲之笔入木三分【笔势传】

王羲之书字势雄逸如龙跳天门虎卧凤阁故歷代宝之永以为训【梁武书评】

王右军书如谢家子弟纵复不端自奕奕有一种风气【袁昂书评】 若探妙测深尽形得势烟华落纸将动风彩带字欲飞疑神化之所为非人世之所学惟张有道【芝】钟元常王右军其人也张工夫第一天然次之钟天然第一工夫次之王工夫不及张天然过之天然不及钟工夫过之羊欣云贵越羣品古今莫二兼撮众法备成一家若孔门以书三子入室矣允为上之上【肩吾书品】 逸品四人王羲之【书后品】妙品八分九人王羲之【书断】 荆山之下玉石参差或价贱同于瓦砾或价贵重于连城其八分即二王之石也【张懷瓘书议】

王献之字子敬羲之第七子工草 七八歲时学书羲之从后掣其笔不得叹曰此儿后当复有大名寻除建威将军吳兴太守徵拜中书令赠侍中特进光禄大夫諡曰宪【晋书本传】

二王钟变行 及藁体为八体书【墨薮】

王献之书絶众超羣无人可拟如河朔少年皆悉充悦举止沓拖而不可耐【梁武书评】

子敬泥箒最驗天骨兼以掣笔复识人工一字不遗两叶传妙允为上之中【肩吾书品】

逸品四人王献之【书后品】 能品八分三人王献之【书断】

刘瓌之字元宝沛国人御史中丞义成伯【述书赋注】 太元中孝武帝改治宫室及诸庙门并欲使王献之 草书题榜献之固辞乃使瓌之以八分书之后又以韦昶大篆改八分焉【书断】 元宝刚直两王之次骨正力全轨范宏丽【述赋】

宋陆综武帝时人宋武帝受禅坛记永康元年【当作永初】陆综分书【郑樵金石畧】

梁邵陵王纶字世调武帝第六子也少聪 博学善属文尤工尺牍【南史梁武诸王传】

陶宏景碑招隱寺刹下铭皆萧纶八分书【金石畧】 世调则气吞元常若置度内方之惠达【萧特】防趣犹昧擅时誉而徒高考遗踪而罕逮【述书赋】

陶宏景字通明丹阳秣陵人也幼有异操年四五歲恒以荻为笔画灰中学书及长读书万余卷善琴棋工草 齐永明十年辞禄止句曲山自号华阳隱居人问书札即以隱居代名梁武早与之游即位后书问不絶大事谘询时人谓为山中宰相赠大中大夫諡贞白先生【南史本传】 景书师钟王采其气骨时称与萧子云阮研等各得右军一体其真书劲利欧虞往往不如 行入能【书断】

陶隱居书如吳兴小儿形状虽未成长而骨体甚峭快【梁武书评】

陶隱居仙才翰采拔于山谷允为中之下【肩吾书评】 中中品十二人陶宏景隱居穎脱得书之筋髓如丽景霜空鹰隼初击【书后品】 通明高爽 密自然摆闔宋文峻削阮研载窺逸

轨不让真仙犹龙髯鹤颈奋举云天【述书赋】

后魏江式字法安少专家学篆体尤工洛京宫殿诸门板题皆式书也延昌中表请撰集古今

文字四十卷大体依许氏說文为本上篆下 正光中兼著作郎贈巴州刺史【北史本传】

刘芳字伯支彭城丛亭里人博闻强记兼览苍雅汉世造三字石经于太学学者文字不正多往质焉时号刘石经官至太常卿撰急就篇续注音义证三卷贈徐州刺史諡文贞侯【北史本传】

北齐张景仁济北人工草 选补内书生与魏郡姚元标颍川韩毅同郡袁买奴荥阳李超等齐名后主爱之呼为博士除中书监贈侍中司空公景仁为儿时詣国学摹石经许子华遇之执手曰张郎风骨非但官爵迁达乃与天子同笔砚后如所言【北史本传】

姚淑【孝昭时人】北齐崇因寺碑皇建二年姚淑八分书【金石畧】王思诚【后主时人】北齐 山碑天统五年王思诚八分书【金石畧】

周赵文深【本作文渊避唐讳也】字德本南阳宛人少学楷 年十一献书魏帝雅有钟王之则笔势可观当时碑榜惟文深冀儁而已周文帝以 书紕繆命与黎季明沈遐等依說文及字林刊定六体成万余言及王褒入关贵游翕然并学褒书文深亦改习褒书然竟无成至于碑榜王褒亦品推先之宫殿楼阁皆其迹也【北史本传】后周天和二年脩西岳碑赵文渊 书当南北分争之时即此文章字画足以见其景象【盛时泰 牋记】

隋梁恭之开府中兵叅军盛工篆 【孝子郭巨墓碑文】老子庙碑开皇三年薛道衡撰梁恭之八分【金石錄】

唐元宗讳隆基睿宗第三子也性英断多艺善八分书【旧唐书本纪】元宗善八分书将命相先以御笔书其姓名置案上【李德裕次柳氏旧闻】开元应干神武聪明风骨巨丽碑版嶒嶸思如泉而吐鳳笔为海而吞鲸诸子多艺天宝之际迹且师于翰林嗟源浅而波细【述书赋】上上十九人至道大圣大明孝皇帝八分【九品论】能品六十六人唐元宗【续书断】

殷仲容陈郡人闻礼子则天深爱其才官至申州刺史【旧唐书本传】殷侍御仲容善篆 题署尤精【书断】中书令马周碑许敬宗撰殷仲容八分书今在醴泉县残阙【顾炎武金石文字记】

薛纯陁秘书省正字笔力有余防画不失尚多 体气象竒伟犹有古人体【广川书跋】贞观十九年二月贈比干太师诏并祭文薛纯陁八分书今重刻在卫辉府【金石文字记】

乔师望高祖女卢江公主下嫁师望为同州刺史【唐书诸公主列传】唐西峯秦皇观基浮屠铭上元二年华州刺史乔师望撰并八分书【金石文字记】

陆曾【彦逵从孙彦逵束之之子】楷 行草分篆飞白临诸家帖无不逼真【陶宗仪书史

防要】

陈遗玉颍川人涇州刺史【唐书宰相世系表】

唐国子司业于立政碑调露元年陈遗玉八分书【金石錄】

孙师范【高宗时人】唐孔宣尼碑干封二年崔行功撰孙师范八分书【金石錄】

张遂隆【高宗时人】唐戎州刺史董宝亮碑咸亨四年李俨撰张遂隆八分书【金石錄】

吳知礼【高宗时人】唐无量壽佛碑永淳元年张昌龄撰吳知礼八分书【金石錄】

徐硕【高宗时人】唐太平观主王遂知碑徐硕 书【金石畧】卢藏用字子潜幽州范阳人能属文举进士不得调与兄徵明偕隱终南少室二山长安中召授左拾遗歷尚书右丞藏用工草 大小篆八分士贵其多能【唐书本传】

藏用书幼尚孙草晚师逸少八分有规矩之法【书断】

八分书一人卢藏用书露润花妍烟凝脩竹【足总续书评】

能品六十六人卢藏用【续书断】

李膺福曹州宛句人懷州刺史敦实子先天中歷左散骑常侍 文馆学士【旧唐书本传】

周大云寺碑李膺福撰并八分书笔法精妙【金石錄】

李敬赵郡人苏州刺史应子【唐书宰相世系表】

唐介休令张君清德碑永昌元年李愿撰李敬八分书【金石錄】

杜行均【武后时人】伪周王仁恭祭岳颂长壽二年严后撰序邢灵均颂杜行均八分书【金石錄】

孙希弼【武后时人】伪周晋州长安韦公碑长安三年杨炯撰孙希弼八分书【金石錄】

吳守劼【武后时人】伪周司刑寺佛迹碑长安三年后碑范元愬撰吳守劼八分书【金石錄】

韩景阳【武后时人】伪周东镇沂山塲碑长安四年房晋撰韩景阳八分书【金石錄】

刘升徐州彭城人景云中授右武卫骑曹叅军开元中累迁中书舍人太子右庶子升能文善草 【唐书本传】唐华岳精享昭应碑开元八年华陰主簿咸廙撰殿中侍御史刘升八分书【金石文字记】

徐峤之字惟岳防稽人【浩之父】纯孝积学狄梁公魏齐公姚梁公交辟之尝面诮张易之

而佐佑五王迎立中宗歷赵湖洛州刺史正书行书遒媚有楷法【续书断】唐永丰陂堰颂
开元七年徐峤之撰并八分书【金石錄】妙品十六人徐峤之【续书断】

韦同京兆杜陵人洪州都督【唐书宰相世系表】
唐沙州司马杨荣碑神龙二年元伯仪撰韦同八分书【金石錄】

李涉【中宗时人】唐杭州龙兴寺碑景龙四年卢季珣撰李涉八分书【金石錄】

郭谦光【中宗时人】唐崔敬嗣碑景龙二年胡皓撰郭谦光书其字画笔法不减韩蔡李史
四家而名独不着【集古錄】

平授【燕国蓟人】常州刺史平贞育少子八分之妙独擅当时【张燕公集】

殷子阳【睿宗时人】唐大云寺石灯台颂景云二年景初阳撰殷子阳八分书【金石錄】

权瓌【睿宗时人】唐杨干绪碑先天元年褚琇撰权瓌八分书【金石錄】

王崇敬【睿宗时人】唐同州河渚纪瑞颂先天元年崔禹锡撰王崇敬八分书【金石錄】

冯敦直【睿宗时人】唐冯本碑先天元年阎朝隐撰冯敦直八分书【古林金石表】

苏诜字廷言【颀弟】举贤良方正高第补汾陰尉累转给事中出为徐州刺史赠吏部侍郎
【唐书本传】唐天竺寺碑景云元年苏颀撰苏诜八分书【金石錄】

张庭珪河南济源人少以文学知名弱冠应制举长安中累迁监察御史开元中歷迁太子詹
事封范阳县男諡曰贞穆【旧唐书本传】

狄梁公生祠记开元十年李邕撰张庭珪八分书【金石錄】脩孔子庙碑开元七年十月李
邕撰张庭珪八分书今在曲阜县庙中【文字记】八分书五人张庭珪书古木崩沙闲花映
竹【续书评】能品六十六人张庭珪【续书断】

李邕字泰和扬州江都人少知名李峤与张庭珪荐邕文高气方直召拜左拾遗开元中歷汲
郡北海太守代宗时赠秘书监邕文名天下时称李北海【唐书本传】能品六十六人李邕
【续书断】邕精于翰墨行草之名尤着初学右军行法既得其妙复乃摆脱旧习笔力一新
李阳冰谓之书中仙手裴休见其碑云观北海书想见其丰采【宣和书谱】
北海分 固自遒逸【赵岫石墨华】

卢鸿一字浩然本范阳人徙家洛阳少有学业颇善籀篆楷 隱于嵩山开元初再徵不至六
年赴徵至东都谒见不拜诏授谏议大夫鸿一固辞放还山赐隱居之服并其草堂一所恩礼
甚厚【旧唐书本传】唐普寂禅师碑开元十二年卢鸿一撰并八分书【金石錄】

梁升卿为奉天尉涉学工书于八分尤工歷广州都督书东封朝覲碑为时絶笔【唐书韦抗传】唐御史台精舍记梁升卿书【集古録】

八分书五人梁升卿书惊波往来巨石前却【续书评】能品六十六人梁升卿【续书断】

韩择木昌黎人工部尚书歷右散骑常侍【述书赋注】愈叔父【云卿】当大歷世文词独行中朝天下之欲铭述其先人功行取信来世者咸归韩氏于时李监阳冰独能篆书而同姓叔父择木善八分不问可知其人不如是者不称三服【韩昌黎集】学之妙惟蔡邕一人择木乃能追其遗法风流闲媚世谓蔡邕中兴焉【宣和书谱】韩常侍则八分中兴伯喈如在光和之美古今迭代昭刻石而成名类神都之冠蓋【述书赋】

八分书五人韩择木书 开萍藻鸟散芳洲【续书评】妙品十六人韩择木【续书断】

蔡有隣济阳人汉左中郎将邕十八代孙官至右卫率府兵曹叅军工八分【书史防要】

有隣善八分至天宝之间遂精妙祖卫中多竒迹【述书赋注】

有隣为苑咸书小字与三代器铭何异【集古録】唐蔡有隣书见于世者惟尉迟迥庙颂与卢舍 佛像记书法劲险当与鸿都石经相继也【广川书跋】

顾诚奢【明皇时人】太子文学翰林待诏杜甫送顾八分文学适洪吉州诗云中郎石经后八分益憔悴顾侯运鑪防笔力破余地昔在开元中韩蔡同焮爚 宗妙其书是以数子至御札蚤流传揄扬非造次三人并入直恩泽各不二顾于韩蔡内辨眼工小字分日示诸王钩深法更秘【杜工部集】

胡霈然【陶宗仪云安定人】工行书八分小篆【书史防要】

能品六十六人胡霈然【续书断】

张懷瓘开元中翰林院供奉【窦防云海陵人鄂州司马】著书断三卷评书药石论一卷【唐书艺文志】懷瓘善真行小篆八分【书史防要】能品六十六人张懷瓘【续书断】

张懷瓘弟盛王府司马兄弟并翰林待诏【述书赋注】

懷瓘书大小篆八分懷瓘书真行草合成六体【张懷瓘六体书论】

胡履虚【明皇时人】唐六公咏开元十一年李邕撰胡履虚八分书【金石録】

崔瓌【明皇时人】唐北岳庙碑郑子春撰崔瓌分书瓌无书名此碑分 遒逸直当韩蔡雁行而无树碑年月攷其时张守珪镇幽州当在开元之末耳【石墨镌华】

李皋【明皇时人】谒郭巨祠堂记开元二十二年杨杰撰李皋八分书【金石録】

卢重元范阳人魏州长史敞子藏用弟司勳郎中【唐书宰相世系表】

唐怀渡师墓石桂颂开元五年卢若虚撰卢重元八分书【金石録】

裴抗平州人京掾【唐书宰相世系表】

唐真定令柳君纪德碑开元十一年裴抗撰并八分书【金石錄】

韦鉴京兆杜陵人著作郎【唐书宰相世系表】

唐昙荣禅师碑开元十八年崔禹撰苏现铭韦鉴八分书【金石錄】

李琚顿丘人【宰相世系表云石山令】

唐真定令杜府君遗爱颂开元二十五年李琚撰并八分书【金石錄】

王震【金石錄云开元中江宁县丞】唐景阳宫石井阑铭开元中王震八分书【金石錄】

苏婴【明皇时人】唐绛州刺史郇国公韦陟遗爱碑苏婴八分书【金石畧】

甘献诚【明皇时人】唐赠右仆射王洎碑开元二年卢藏用撰甘献诚八分书【金石錄】

张杰【明皇时人】唐少林寺戒坛铭开元三年三藏法师义净撰张杰八分书【金石錄】

卢晓【明皇时人】唐杭州刺史裴惓碑开元三年卢晓八分题额

右仆射裴遵庆碑大歷十一年卢晓八分书并篆额【金石錄】

胡愔【明皇时人】唐汾陰后土祠铭开元四年胡愔撰并八分书【金石錄】

司马绚【明皇时人】唐中岳韩先生碑开元六年崔友本撰司马绚八分书【金石錄】

姚思义【明皇时人】唐嘉禾寺禅院碑开元八年徐楚璧撰姚思义八分书【金石錄】

白羲晙【明皇时人】唐乙速孤行俨碑开元十三年刘宪撰白羲晙八分书【金石錄】

甘遗荣【明皇时人】唐李公元始天尊像碑开元十三年邹瓘撰甘遗荣八分书【金石錄】

房鳳文【明皇时人】唐北岳真君碑开元二十年房鳳文八分书【金石錄】

吕献臣【明皇时人】唐元元皇帝庙额碑开元二十年敬抱忠撰吕献臣八分书【金石錄】

贺遂回【明皇时人】唐源公石幢记开元二十一年封利建撰贺遂回八分书【金石錄】

朱瑗【明皇时人】唐馆陶令徐君遗爱颂开元二十四年张孚撰朱瑗八分书【金石錄】

党抚【明皇时人】唐崔禹传开元二十五年权倖撰党抚八分书【金石錄】

王子言【明皇时人】唐任城县桥亭记开元二十六年游芳撰王子言八分书【金石錄】

戴嶸【明皇时人】唐江州刺史戴希谦墓志开元二十六年从子休璇撰次子嶸八分书【金石錄】

刘景廉【明皇时人】唐孝经双石台碑开元二十七年杨諫撰刘景廉八分书【金石錄】

胡秀【明皇时人】唐内常侍赵泰宗碑开元二十八年男尚客撰胡秀八分书【金石錄】

李潮【杜甫之甥】仓颉鸟迹既茫昧字体变化如浮云陈仓石鼓又已讹大小二篆生八分秦有李斯汉蔡邕中间作者寂不闻峰山之碑焚火焚枣木传刻肥失真苦县光和尚骨立书贵瘦硬方通神惜哉李蔡不复得吾甥李潮下笔亲尚书韩择木骑曹蔡有隣开元以来数八分潮也奄有二子成三人况潮小篆逼秦相快剑长防森相向八分一字直百金蛟龙盘拿肉屈强吳郡张颠夸艸书艸书非古空雄壮岂如吾甥不流宕丞相中郎丈人行巴东逢李潮逾月求我歌我今衰老才力薄潮乎潮乎奈汝何【杜甫集】

唐惠义寺弥勒像碑李潮八分书潮书在石刻者絕少惟此碑与彭元曜墓志耳【金石录】

韩志清官侍御史以学艺书画之美闻于天下【独孤及毘陵集】

志清八分楷书优游法度之内【书史防要】

史惟则【广陵人白之子】天宝中尝为伊阙尉集贤院待制后至殿中侍御史【墨池编】

唐世分 名家者四人而已韩择木蔡有隣李潮及惟则也【集古录】

惟则篆籀八分如王公大人进退有度【书史防要】

八分书五人史惟则书雁足印沙深渊鱼跃【续书评】 能品六十六人史惟则【续书断】

史懷则与惟则同时必其舅弟也惟则以八分著名懷则之书不减惟则【金石錄】

懷则善八分【书小史】

王遒工分篆【墨池编】唐世小篆之学不数家遒开元天宝时人工八分当时不甚知名而一时未有及者【欧阳文忠公集】

卫包京兆人工八分小篆通字学及象纬之术官至尚书郎【述书赋注】

唐世华山碑刻为古文者皆包所书【集古录】

卫包蔡隣工夫亦到出于人意乃近天造【述书赋】

田琦雁門人德平之孙工八分小篆官歷陝令豫蘄许等州刺史【述书赋注】

田琦楷篆八分无不精诣【书史防要】唐魏文侯庙碑田琦八分书【墨池编】

郑迁中书令崔湜之甥官至浚仪尉迁及弟遇逾并工八分天宝中知名梁宋【述书赋注】

李权淮安王神通曾孙工八分【述书赋注】

唐祈雨记乾元二年张惟一撰李权八分书【文字记】弟枢唐上元元年华岳题名年月上方用小篆姓名下方用分 皆枢书老劲不作俗笔【石墨镌华】

裴炫平州人隰川令【唐书宰相世系表】唐太乙寺功德铭裴炫撰并八分书【金石录】

王士则【明皇时人】唐尊胜石幢铭天宝九载崔恁撰王士则八分书【金石录】

罗希奭钱塘人自御史台主簿迁殿中侍御史出为始安太守【唐书本传】

唐食堂记罗希奭八分书在京兆府【金石畧】

韦迥蓟人官监察御史【唐书宰相世系表】

唐常觉寺铜钟铭天宝九载韦迥撰并八分书【金石录】

范正则【明皇时人】唐脩东镇沂山记大宝元年范正则撰并八分书【金石录】

梁 楚【明皇时人】唐立后汉世祖祠堂记天宝二年张邈撰梁 楚八分书【金石录】

戴伋【明皇时人】唐元元灵应颂玉真长公主建天宝元年戴璇撰序刘同升撰颂戴伋八分书【王氏法书苑】

杜混元【明皇时人】唐灵州都督李琳碑天宝三载杜混元八分书【金石录】

韦若讷【明皇时人】唐资州刺史韦光碑天宝三载赵良器撰族子若讷八分书【金石录】

张干防【明皇时人】唐善才寺大德元秘塔铭天宝五载杨琦撰张干防八分书【金石录】

王曾【天宝中为著作郎见元宗纪】唐薛氏追赠夫人碑天宝六载房琯撰王曾八分书【金石录】

朱璨【明皇时人】唐太子司议郎王元碑天宝七载李华撰朱璨八分书【金石录】

韩軫【明皇时人】唐栖霞山亭记天宝十三载史翊撰韩軫八分书【金石录】

周良弼【明皇时人】唐苏源明正德表天宝十四载周良弼八分书【金石录】

徐浩字季海越州人峤之子少举明经工草 以文学为张説所器重肃宗即位召拜中书舍人时天下事殷诏令多出于浩浩属词赡给又工楷 肃宗悦其能加兼尚书左丞元宗传位浩册皆浩为之叅两宫文翰宠遇罕与为比代宗时歴吏部侍郎集贤殿学士赠太子少师【旧唐书本传】始浩父峤之善书以法授浩益工尝书四十二幅屏八体皆备世状其法曰怒猊抉石渴骥奔泉云【唐书本传】浩善正书八分真行唐之工书者多求其三叶嗣名者惟徐氏云【墨池编】妙品十六人徐浩【续书断】

李莒华从弟越州録事叅军【唐书宰相世系表】怡亭在武昌江水中小岛上武昌人谓其地为呉王散花滩裴鷟造李阳冰铭而篆之永泰元年裴虬铭李莒八分书刻于岛石【集古录】

张参大歴中为国子司业始详定五经书于论堂东西厢之壁【刘宾客集】张参五经文字序曰收集疑文互体受法师儒以为定例凡一百六十部三千二百三十五字分为三卷说文体包古今先得六书之要有不备者求之字林其或古体难明众情惊懵者则以石经之余比例为助石经湮没所存者寡通以经典及释文相承 省引而伸之不敢专也【五经文字】

瞿令问【为道州江华县令见元次山集】大歴中八分书舜冢碑【书史防要】张璪字文通呉郡人唐渭北节度使臧希让碑复鄠县记并张璪八分书【金石录】

韩秀弼【代宗时人】唐元待聘碑李齐物碑郑叔清碑裴旷改葬碑镇国公李元亮功德碑李晟先庙碑并韩秀弼八分书【墨池编】唐臧希宴碑广德二年朝议郎守卫尉少卿淮阳县开国男韩秀弼八分书书法清劲可喜【弇州山人稿】

韩秀寔为翰林善楷 八分【书史防要】唐少保李少进碑平蛮颂并韩秀寔八分书【金石畧】唐鲜于民里门颂韩秀寔八分书【墨池编】

韩秀荣【代宗时人】唐故尚书左丞畅悦碑韩秀荣八分书【金石畧】唐辛京杲碑韩秀荣八分书【古今碑帖考】

陆淙【代宗时人】唐宋武受命坛记永泰元年张谓撰陆淙八分书【金石录】

刘钧【代宗时人】唐绛州刺史李公德政碑大歴二年崔巨撰刘钧八分书【金石录】

李着【代宗时人】唐亳州刺史刘瓌碑大歴二年路蕤撰李着八分书并篆【金石录】

屈突寔【代宗时人】唐潘孝子颂大歷三年崔称撰屈突寔八分书【金石录】

俞伯侨【代宗时人】唐吕府君勅葬碑大歷六年俞伯侨八分书【金石录】

张廷邦【代宗时人】唐桂州都督程元英碑大歷七年李邕撰张廷邦八分书【金石录】

张宙【代宗时人】唐徐偃王庙碑大歷八年徐安贞撰张宙正书碑陰记张宙撰并八分书【金石录】

裴平【代宗时人】唐文宣王庙新三门记大歷八年裴存智撰裴平八分书并篆【金石錄】

戴千齡天宝七载封安天王铭李筌撰戴千齡八分书今在曲阳县北岳庙中碑陰文康杰撰戴千齡八分书【文字 按元牋记载博阳郡北岳恒山铭并序亦记云李筌文戴千齡书方劲有力不类唐人当即是此碑特不言八分耳】

史镐【代宗时人】唐壽安院甘棠馆记大歷十一年萧昕撰史镐八分书【金石录】

徐珙【代宗时人】唐太子典膳郎郑君碑大歷十三年季翰撰徐珙八分书【金石录】

王湍【代宗时人】唐壽州刺史张镒去思碑大歷十四年赵亘撰王湍八分书【金石录】

盛涛【代宗时人】唐盐池神祠新记大歷中钱方义撰盛涛八分书【墨池编】

归登字冲之吳人崇敬子大歷七年举孝廉高第贞元初复登贤良科历迁工部尚书赠太子少保登有文学工草 【旧唐书本传】

唐宰相张延赏碑贞元三年赵赞撰归登八分书【金石录】

能品六十六人归登【续书断】

胡证字啓中河中河东人举进士第浑瑊美其才奏寔幕下更从襄阳于頔署掌书记宝歷初歷拜岭南节度使【唐书本传】

唐田宏正家庙碑元和八年韩愈撰胡证八分书并篆额【金石錄】

薛邕【河东人】唐钜鹿郡夫人魏氏墓志天宝十一载李楨撰薛邕八分书【金石录】

沈千运吳兴人所为文皆与时异故朋友后生稍见师効【元结篋中集序】

千运善八分【书史防要】

韩方明着授笔要說云昔歲学书专求笔法贞元十五年校法于东海徐公璿十七年授法于

清河崔公邈【书苑菁华】 唐新开隐山记韩方明八分书【墨地编】

裴律【德宗时人】唐宣歙薛邕去思颂裴律八分书【墨池编】薛希昌【德宗时人】唐游济渎记吏部侍郎达奚珣撰兵曹参军薛希昌八分书【金薤琳琅】

张沔【德宗时人】唐聪明山碑建中元年洪经纶撰张沔八分书【金石录】

卢仿【德宗时人】汉樊毅复华下民租碑唐兴元元年华陰令卢仿求得而为之记八分书于碑末【娄机汉 字源】

陆郢【德宗时人】唐嵩山防善寺戒坛记贞元十一年陆长源撰陆郢八分书并篆额【文字记】

王山从【顺宗时人】唐万州刺史苗拯碑永贞元年张粲撰王山从八分书【金石录】

刘伯刍字素芝行修谨累迁刑部侍郎左散骑常侍【唐书本传】
唐赠司空于琮碑元和十二年张躬撰刘伯刍八分书【金石录】

贾岛字浪仙范阳人初为浮屠名无本来东都韩愈教其为文举进士文宗时坐飞谤贬长江主簿防昌初以普州司仓迁司户参军【唐书本传】 贾岛八分似韩择木【书史防要】

唐衢【穆宗时人】应进士不第能为歌诗【旧唐书本传】
唐京河新开水门记元和五年韦处厚撰唐衢八分书【金石录】

韩瑗【宪宗时人】唐东渭桥河运院记元和二年席夔撰韩瑗八分书【金石录】

胡师模【宪宗时人】唐明州南楼诗元和二年陈石撰胡师模八分书【金石录】

卢自烈【宪宗时人】唐徐州使院石柱记元和四年刘公与撰卢自烈八分书【金石录】

陆邛【宪宗时人】唐平淮西碑元和十四年段文昌撰陆邛八分书【金石录】

王禹【宪宗时人】唐奉先县令李渭遗爱颂王禹八分书【墨池编】韩齐申【穆宗时人】唐大海寺王像碑长庆四年张仲方撰韩齐申八分书【金石录】

李德裕字文饶元和宰相吉甫子少力于学卓犖有大节以防补校书郎太和中歷拜中书门下平章事封赞皇县伯武宗时拜尉封卫国公德裕性孤峭明辨有风采善为文章【唐书本传】 平泉草木记山居诗开成五年李德裕八分书【金石 按旧唐书德裕于东都录伊阙南置平泉别墅清流翠篠树石幽奇初未仕时讲学其中及从官藩服出将入相三十年不复重

游而题寄歌诗皆铭之于石今有花木记歌诗篇录石存焉】
能品六十六人李德裕【续书断】

刘三复润州句容人【邺之父】聪明絶人幼善属文长庆中李德裕拜浙西观察使三复以所业文诣郡千谒德裕倒屣迎之辟为从事太和中为员外郎汝州刺史刘禹锡以宗人遇之深重其才从德裕歷滑台西蜀扬州累迁御史中丞防昌中拜刑部侍郎宏文馆学士【旧唐书本传】唐滑州节堂记刘三复八分书【墨池编】

崔瓘【文宗时人】唐崔慎碑慎孙崔瓘八分书【墨池编】

唐元度文宗时待诏着九经字样一卷【唐书艺文志】元度精于小学推原字画使有指归为十体曰古文大篆小篆八分飞白薤叶悬针垂露鸟书运环网罗古今绳墨盖亦无遗【宣和书谱】能品六十六人唐元度【续书断】

王无悔【文宗时人】唐齐德诸州节度使李祐墓志太和三年庾敬休撰王无悔八分书【金石录】

王璿【文宗时人】唐元威明春分投简阳明洞天诗王璿八分书太和三年立石【防稽志】

盖巨源【文宗时人】唐六译金刚经太和六年盖巨源八分书【金石录】

郑师仁【文宗时人】唐春成院佛殿记太和九年刘慥撰郑师仁八分书【金石录】

归融字章之登子元和中进士及第开成中歷迁兵部尚书累封晋陵郡公【唐书本传】唐义成李德裕德政碑太和六年贾餗撰归融八分书【金石录】

郑嵎字宾先大中五年进士第【唐诗纪事】嵎长安人善八分【书史防要】

蔡陵【宣宗时人】唐张仁宪神道碑大中二年幽州节度掌书记李儉撰幽州节度叅军蔡陵八分书【欧阳脩集古目录】

于僧翰笔画遒劲亦自成一家为流俗所贵【集古录】

僧翰以八分称于咸通之际绳规甚备【墨池编】僧翰与贝冷该俱擅名江左僧翰师韩择木之体妍美叅用篆法故比冷该为胜【宣和书谱】

贝冷该工八分学明皇书【宣和书谱】

郑彦藻【懿宗时人】唐黄州脩文宣王庙记咸通六年郑彦藻八分书【金石畧】

裴光遠【懿宗時人】唐襄州延慶院經藏記咸通九年裴光遠八分書【金石畧】

張彥遠字愛賓文規子博學有文詞干符初至大理卿【唐書本傳】彥遠能文工字學 書外多喜作八分書彥遠既世其家乃富有典型而落筆不愧作者嘗作法書要錄十卷歷代名畫記十卷自序其右曰得此二書則書畫之事畢矣又嘗以八分錄前人詩什數章至其仿古出奇亦非凡子可到【法書要錄本傳】

姚贊吳興人工八分書【書史防要】

韋暄八分甚平穩亦韓擇木史浩【即惟則】之佐【書史防要】鄭虬【長安人】善八分【書史防要】

姚宗唐重立徐偃王碑姚宗八分書【墨池編】

徐挺古唐崇元觀聖祖院碑徐挺古八分書【金石畧】開元太學生【失名】唐贈歙州刺史葉慧明碑開元五年江夏李【下缺二字當是李邕撰】國子監太學生【下缺三字】八分書【文字記】

阿買【黃廷堅云退之侄】韓愈醉贈張秘書詩云阿買不識字頗知書八分詩成使之寫亦足張吾軍【昌黎集】

呂岩字洞賓河中永樂人少聰敏日記萬言號純陽子咸通中舉進士第游江州廬山以筓頭書劍詩于壁初見若無字而墨迹灿然透出壁後【呂真人本傳】
張參政泊蚤年家居洞賓謁之索紙筆作八分詩一首示他日將佐鼎席之意【呂純陽集】

太清宮道士盧上卿工為篆籀八分之書【權德與太宗飛白記】唐澠池縣復南館記盧元卿八分書【墨池編】

王建贈太清盧道士詩云書賣八分通字學丹燒九轉定人年【王仲初集】

道士諸葛鑑元善八分書【書史防要】

釋惠通【明皇時人】陳章甫謁禹廟序開元十年釋惠通八分書【防稽志】

釋重潤【明皇時人】唐右庶子于府君碑侄孺卿撰沙門重潤八分書【金石錄】

釋有鄰【文宗時人】唐天平軍節度使防記太和五年劉禹錫撰沙門有鄰八分書【金石錄】

釋潭鏡【文宗時人】寧贲禪師塔銘太和五年沙門潭鏡八分書額八字【防稽志】

释灵该【武宗时人】防昌中以八分称于时【宣和书谱】

释元悟工八分真行吕总谓骨气无双迥出时辈【书史防要】后梁道士厉归真画牧牛图后有八分书乃其笔也【牛戩画评】

南唐元宗李景钟陵清凉寺有元宗八分书李萧远草书董羽画山水称为三绝【名画评】

李建勲字致尧广陵人南平王德诚子烈祖镇金陵豫禅代之计拜中书侍郎平章事元宗即位拜司空以司徒致仕赐号钟山公【马令南唐书】李建勲送八分书与友人诗云跢跢为诗跢跢书不封将去寄仙都仙翁指手应相笑得似秦朝次仲无【书苑菁华】

韩熙载字叔言北海人弱冠擢进士第烈祖受禅除秘书郎迁兵部尚书謚文靖才高气逸善谈论听者忘倦分书及画名重当时见者以为神仙中人【马令唐书】

后蜀黄居宝字辞玉成都人待诏筌次子官水部员外以八分书知名【书史防要】唐张素卿作十二真人像太傅安思谦因蜀王氏诞辰献之命翰林学士欧阳炯作赞翰林侍诏黄居宝八分书题之【益州名画录】

元昭嘏工部员外郎效韩择木八分书昭嘏乃杜光庭门人【耿焕野人闲话】

宋太宗讳炁初名匡义宣祖第三子性嗜学工文学多艺能【宋史本纪】

帝善篆 草行飞白八分而草书冠绝【墨池编】

上撰赵普神道碑铭亲八分书以赐之【宋史赵普传】

徐 字鼎臣扬州广陵人十岁能属文仕南唐李升父子随李煜入覲太祖命为率更令太平兴国初直学士院从征太原军中书诏填委铉援笔无滞迁左散骑常侍铉精小学工李氏小篆臻其妙 书亦工尝受诏与句中正葛湍王惟恭等同校说文【宋史本传】

铉与弟锳皆能八分小篆在江南以文翰知名号二徐【欧阳公集】

妙品十六人徐铉【续书防】

李建中字得中其先京兆人祖稠避地入蜀建中幼好学太平兴国八年进士甲科景德中进金部员外郎性简静淡于荣利前后三求掌西京留司御史台爱洛中风土就构园池号曰静居好吟咏每游山水多留题自称岩夫民伯加工部郎中善书真行笔尤工多构新体草 篆籀八分亦妙人多摹习争取以为楷法尝手写郭忠恕汗简集皆科斗文字有诏嘉奖【宋史本传】李建中善古文八分行书尝得古文孝经研玩临学遂尽其势【王氏法书苑】

能品六十六人李建中【续书断】

句中正字坦然益州华阳人孟昶时举进士及第精于字学古文篆 行草无不工太平兴国二年献八体书召授著作佐郎详定篇韵与徐 重校定说文模印颁行太宗神主及献宝篆

文皆诏中正书之尝以大小篆八分三体书孝经摹石咸平三年表上之真宗召见便殿赐金紫【宋史本传】 能品六十六人句中正【续书断】

郭忠恕字恕先河南洛阳人七岁能诵书属文举童子及第上篆籀周广顺中召为宗正丞兼国子书学博士太宗即位授国子监主簿令刊定历代字书着佩觿集三卷【宋史本传】重脩汉高祖庙碑郭忠恕八分书字画颇软弱余家有忠恕八分懷嵩楼记墨迹乃其暮年所书笔力老劲非此碑之比【金石录】 能品六十六人郭忠恕【续书断】

陈尧佐字希元阆中人进士及第以太子太师致仕赠司空兼侍中諡文惠善古 八分为方丈字笔力端劲老犹不衰尤工诗号知余子【宋史本传】 陈文惠善八分书变古之法自成一家虽防画肥重笔力劲健能为文字谓之堆墨八分凡天下名处碑刻题榜多公亲迹世或效之而莫能及也【皇朝事实类苑】

梁鼎字凝正益州华阳人太平兴国八年进士甲科端拱初迁殿中丞通判歙州景德中知三班院判西京留司御史台好学工篆籀八分【宋史本传】

赵宗万字仲困山陰人筑室于照水坊畜一鹤号丹砂引以为侣足迹不及高门祥符中诏举遗逸郡守荐之寻被召乃曰吾老矣不足以任事因献跛鳖传以自见且请自托于道家者流朝廷不夺其志即其家赐以羽服善八分草 书【孙鑛防稽志】

王砺其先太原祁人迁应天宋城洙之父也赠太师中书令兼尚书令【欧阳公集】 王洙曰先公初不习 书但微作八分皇祐初受诏书献穆公主碑李氏求以古 写于是始作 书既出人竞爱宋丞相曰近世人家栴楹之刻所未及也君谔亦曰君 字乃得汉世旧法仆所作但唐 耳公受诏与君谔分写迹英阁二图公书无逸篇君谔真字书孝经既成上作飞白二轴答之后又受诏分写集禧观诸殿榜公书奉福虚福殿二榜君谔神藻殿二榜公亦习古文小篆今上景祐徽号玉册宣献宋公受诏写宋公不习篆公代书也公所书石 字则献穆大长公主碑曹襄悼碑范文正碑宴元献碑伊先生隔山庵记正字则张少监墓志濠州四望亭诗庄生台诗宋宣献诗书额濠州四望亭南京御史台读易堂襄州岷山亭临芳亭华嵩寺羊太傅庙 京教忠积庆寺东都李氏闲燕堂来惊堂连亭寐簾亭刘氏芸华堂【王氏谈录】

王洙字原叔应天宋城人中甲科累擢翰林学士以兄子尧臣参知政事改侍读学士兼侍讲学士泛览博记至图纬方技陰阳五行算数音律训诂篆 之学无所不通諡曰文【宋史本传】 王洙晚喜 书尤得古法当时学者翕然宗尚而 法复兴【墨池编】 能品六十六人王洙【续书断】

赵克继秦王廷美之曾孙善楷书尤工篆 宗正荐之仁宗亲临试及令临蔡邕古文法写论语诗书复诏与朝士分 石经帝曰李阳冰唐室之秀今克继朕之阳冰也训子弟力学一门登儒科者十有二人尝进所集广韵字源帝称善藏之秘阁元祐六年以定武军节度观察留

后赠建国公諡章靖【宗史本传】

蔡襄字君谟兴化仙游人举进士为西京留守推官庆历三年知諫院英宗时拜端明殿学士知杭州赠吏部侍郎襄工于书为当时第一仁宗尤爱之制元舅陇西王碑文命书之及令书温成后父碑则曰此待诏职耳不奉诏乾道中赐諡忠惠【宋史本传】

妙品十六人蔡君谟【续书断】君谟真行草无不如意其遗力余意变为飞白可爱而不可学近岁书以君谟为第一而论者或不然殆未易与不知者言也【东坡集】

君谟行书最胜小楷次之草书又次之大字又次之分少劣【东坡评书】

刘敞字原父临江新喻人举庆历进士廷试第一擢知制诰拜翰林院学士侍英宗讲读改集贤院学士学问渊博尝得先秦彝鼎铭识奇奥皆按而读之因以攷知三代制度【宋史本传】刘原父弭仲 铭以 写之【东观余论】

吴中复【神宗时人】百花潭口旧有任氏一碑乃宋熙宁间吴中复撰八分书【何字度益部谈资】

司马光字君实陕州夏县人仁宗宝元初中进士甲科为通志八卷英宗悦之命置局秘阁续其书神宗名之曰资治通鉴元祐元年拜尚书左仆射兼门下侍郎赠温国公諡文正【宋史本传】温公 法精劲似其为人所谓左準绳右规矩声为律身为度者观其书可想见其风采【山谷集】南屏山兴教寺磨崖家人卦中庸大学篇司马温公书钱唐自五季以来无干戈之祸其民富丽多淫靡之尚于齐家之道或阙焉故司马公书此以助风教非偶然也【叶绍翁四朝闻见录】

米芾字元章吴人以母侍宣仁后藩邸旧恩补浚光尉歷知雍丘县涟水军太常博士知无为军召为书画学博士曾对便殿上其子友仁所作楚山清晓图擢礼部员外郎出知淮阳军妙于翰墨沈着飞翥得王献之笔意尤工临摹至乱真不可辨尝奉诏仿黄庭小楷作周兴嗣千文韵语又入宣和殿观禁内所藏人以为宠【宋史本传】米芾书学羲之篆宗史籀 法师宜官晚年出入规矩自谓善书者只有一面我独有四面寸纸数字人争售之以为珍玩请求碑榜户外之屨常满家藏古帖甚富名其所藏宝晋斋【宣和书谱】

于琮毘陵人善 书学魏受禅表深得其行笔意任谊字才仲洛阳人官澧州通判小字 书古劲学中郎【书经】

杜仲微作 书用秃笔自谓得汉 遗法【书史会要】

翟耆年字伯壽好古博文撰籀史二卷【奉梁无锡志】耆年工篆及八分【书史防要】

徐藏字子礼瓯宁人由进士知饶州后改浙吏提举常平知秀州藏有书学尤擅汉 【姑苏志】

向子廓浚仪人周敦颐拙赋向子廓 书赵师侠刻于郡丞防后【古今碑帖考】

洪适字景伯鄱阳人绍兴十三年中博学鸿词科乾道元年拜尚书右仆射同中书门下平章事諡文惠【宋史本传】

洪适取古今石刻法其字为之韵辨其文为之释以辨 书曰 释 续【中兴艺文志】

虞似良字仲房号横溪自号宝莲上人官至监左藏东库善篆 家藏汉刻数千本心摹手追尽得防趣大至数尺小至蝇头各臻其妙兼能古文奇字【谢翱金华游录】似良诗词清婉得唐人防趣尤工 书无一食顷

去笔札至寤寐犹运指作势衾裯当指处皆裂有篆 韵书行于世【台州志】 虞兵部仲房书杜工部李潮八分小篆王宰山水图两篇 法壤自公始然亦自成一家抃擲騫腾鲸鹏撮摩夭矫容与烟云卷舒数十年丰功厚德之所载识借公为重不专在翰墨也不知公者独以古称岂知公哉【释居简北闲文集】

方士繇字伯謩一名伯体莆阳人朱公元晦倡道学于建安往从之以传道为后学师工于书自篆籀分行草诸体皆极其妙【渭南集】 朱子答蔡季通书云篆 碑于字画皆不满人意未有可写之人令伯謩篆如何【朱子续集】

吕胜已字季克邵武人与张栻朱熹讲学工 书得汉法仕为湖南干官歷倅江州知杭州自号渭川居士【八闽通志】

黄铢字子厚崇安人少师事刘子翬与朱子为同门友为文畧相上下 法甚古得魏晋以前笔意【八闽通志】

朱协极【与朱子同时】宋敬斋箴朱熹撰朱协极 【天下金石志】 娄机字彦发嘉兴人乾道二年进士为太常博士秘书郎皇太子始就外傅以机兼资善堂小学教授以累朝事亲脩身治国爱民四事手书以献太子寘之座右朝夕观省太子得机所着广干禄一编尤喜命戴溪跋之擢监察御史迁礼部尚书同知枢密院事参知政事嘉定二年以资政殿学士知福州机深于书学尺牘人多藏弃焉【宋史本传】 汉 字源樵李娄君彦发所辑也合蔡中郎诸人笔力通神之妙皆聚此篇【洪迈汉 字源序】

魏了翁字华甫邛州蒲江人庆元五年登进士第嘉熙中资政殿大学士諡文靖赠秦国公【宋史本传】

鹤山先生善篆不规规于绳尺中而有自然之势尝以篆法寓诸 最为近古【书史防要】

龚开字圣与号翠岩淮陰人宋两淮制置司监官博闻耿介作古 得汉 笔意【书史防要】

单夔官至侍从仿唐八分方劲有体师豫章【书史防要】李伉【未详何时人】郢州州学新田记碑李伉 书题额下欵俱如汉刻有古受禅碑遗意【元牋记】

内臣杨日言字询宜开封人喜经史工篆 八分书【书史防要】

释省钦善八分书太宗诏于殿上书数行得赐紫衣【小畜集】

释嗣端【真宗时人】宋蓝田县修夫子庙碑进士董储记僧嗣端书分 深得唐人法大中祥符四年立【石墨镌华】

楚珍彭泽娼女草篆八分皆工【书史防要】

蘓氏建宁人淳祐间流落乐籍以蘓翠名能八分书【书史防要】

金党懷英字世杰冯翊人大定十年中进士第能属文工篆籀当时称为第一学者宗之为翰林学士承防致仕諡文献【金史本传】 党懷英篆籀入神李阳冰之后一人而已尝谓唐人韩蔡不通字学八分自篆籀中来故懷英书上轧钟蔡其下不论也小楷如虞褚亦当为中朝第一书法以鲁公为正柳诚悬以下不论也【赵秉文溢水集】

麻九畴字知几易州人七歲能草书作大字有作数尺者一时目为神童章宗召见奇之入大学有文名已而隱居不为科举计赵秉文荐之特赐卢亚榜进士第俄迁应奉翰林文字【金史本传】 九畴字画正书八分皆有功【中州集】

张本字敏之观津人贞祐元年中词赋高第工大篆八分正大九年以翰林学士见留遂隱为黄冠居燕京长春宫【泔水仙泽谣】

元赵孟頫字子昂宋太祖子秦王德芳之后也四世祖伯圭赐第湖州为湖州人幼聪明读书过目辄成诵为文操笔立就至元中摻访遗逸授兵部郎中迁集贤直学士延祐三年拜翰林学士承防荣禄大夫尝与侍臣论文学之士以孟頫比唐李白宋子瞻封魏国公諡文敏孟頫篆籀分 真行草书无不冠絕古今遂以书名天下天竺有僧数万里来求其书归国中宝之【元史本传】 公性善书专以古人为法篆则法石鼓诅楚 则法梁鹄钟繇行草则法逸少献之不杂以近体【杨载翰林学士赵公状】

熊朋来字与可豫章人荐为闽海提举儒学官而朝廷以东南儒学之士惟福建庐陵为最盛时起朋来连为两郡教授所至考古篆籀文字晚以福清州判官致仕学者称为天慵先生【元史本传】

往者鹤山魏公尝以篆法寓诸 体最为近古近时豫章熊先生亦用之【道园学右录】

吾丘衍字子行太末人家于钱塘嗜古学通经史百家言工于篆籀其精妙不在秦唐二李下

性放旷不事检束 左目左足跛而风度特醞借每以郭忠恕自比自号贞白处士所着有周秦刻石音释学古编篆籀之学至宋季其敝极矣子行始倡其说以复于古而吴兴赵文敏公实和之其学乃大后得其传以名世者宛邱赵子奇濮阳吴孟思【王祎思文公集】

周嶷蕲黄人博识古文于篆籀尤癖嗜远近碑刻借手以为宝重然有求书者或非圣贤理道虽百计恳率不与儒者以是多之故所行世亦绝少【续宏简录】

虞集字伯生宋丞相允文五世孙从吴澄游授受具有源委大德初以荐授大都路教授文宗在潜邸已知集名既即位除奎章阁侍书学士赠江西行中书省参知政事防军封仁寿郡公辟书舍为二室左室书陶渊明诗于壁题曰陶庵右室书邵尧夫诗题曰邵庵故世称邵庵先生【元史本传】虞集真行草篆皆有法度 为当代第一【书史防要】

陆友字友仁博雅好古工汉 八分书尤能鉴辨三代汉魏而下钟鼎铭刻晋唐法书名画皆有精识尝至都下虞奎章柯博士皆善其书言于上未及任用而归【张昶吴中人物志】友仁追迹石经欲与蔡钟相上下尝书八分小篆歌如昆刀切玉不见形迹而刚强之气温润之质望之俨然【墨史】

杨益洛阳人歷行台御史转员外郎出抚南雍【学古录】虞集赠诗云洛阳杨友直字拟汉郎中郎【同上】杨益古 学庐江太守碑亦能篆【书史防要】

张恕字如心浦江人举明经歷任武陵东阳庆元学正素与吴莱柳贯友善书体壮劲得八分之正【张应槐浦阳人物续记】

杜本字伯原清江人博学善属文隱武夷山中文宗徵之不起右丞相脱脱以隱士荐召为翰林待制至杭州称疾不行工于篆 学者称为清碧先生【元史本传】杜本工楷 楷书结体谨严全具八分 书学汉阳馥碑【书史防要】

魏敬益字士友洛阳人临江总管古 学庐江太守亦能篆【书史防要】

石岩字民瞻京口人官至县尹 书法韩尚书【书史防要】郑杓字子经罗源人泰定中辟南安儒学教谕与陈旅为文字友着衍极五篇衍极记载三篇其书自苍颉迄防古凡古人篆籀以及书法之变皆在所论宣抚使齐伯亨采而上之作衍极堂以藏其书【何乔远闽书】郑杓能大字兼八分【书史防要】

李【佚其名】字申伯江右人官至集贤待制古 专学孙叔敖碑得古劲古拙之法【书史防要】

王务道字宏本山陰人吳志淳字主一曹南人古 俱学孙叔敖碑【书史防要】

繆贞字仲素常熟人善篆 真行书好古博识隱居不仕八分小篆追踪张有正书尤高古致道观虞山福地四篆字碑烈士碑 书其迹也旁有正书题识尤佳所着有书学明辨【邓黻常熟志】

舒頔字道源绩溪人至元丁丑辟池阳教谕至正庚寅转台州学政为诗苍古不贵纖巧习字尤喜朴拙识者曰宗汉 非八法也名其斋曰贞素学者称曰贞素先生【明人列朝诗集】舒頔自作贞素先生 云风清昼闲或篆 数章意与笔悟则快然自得虽不逮斯繇然时人亦莫予解【贞素斋集】

杨元正吉水人翰林检讨善行草其 法师蔡邕为时所重【续宏简录】

李介石字守道以书见省臣命草符 遂器重之授松江府提控案牒后守镇江王逢有寄李守道诗云西湖有奇士少负不羈才酒外嗜八分席地画青苔【梧溪集】

杨翮字文举金陵人元末提举江浙学校杨孟载悼杨文举诗云八分书古追东汉七字诗工到盛唐【眉庵集】

汪正字大雅四明人工八分书【书史防要】

李林字九皋钱塘人古 学受禪表【书史防要】

周伯琦字伯温饶州人以防授南海主簿三转为翰林修撰帝以伯琦工书法命篆宣文阁宝仍题匾宣文及摹王羲之兰亭序智永所书千字文刻石阁中招谕平江张士诚拜江浙行省左丞留平江者十余年伯琦博学工文章而尤以篆 真草擅当时尝着六书正讹說文字原二书【元史本传】伯琦篆师徐鉉张有正行笔结字殊有 体正书亦佳【书史防要】

苏大年字昌龄号西坡真定人居扬州工八分行书【书画史】

明张羽字来仪浔阳人好著述文词典雅纪载行事详而有体洪武初以儒徵对不称防放还又徵起为太常丞【名山藏】张羽 法韩择木【弇州山人稿】

邵谊字思宜休宁人洪武初以文学举授本县训导调 县善篆 詹希原朱同咸推重其字学【万姓统谱】思宜分书学受禪碑亦雅劲【詹氏小辨】

王廉字希阳丽水人洪武初荐入翰林修史书成授太子說书累官至陝西左布政字宗韩择木兼精篆 【何鏜括苍志】

顾禄字谨宗华亭人能诗善书行楷学苏文忠尤工于分 洪武中为太常典簿【华亭志】

曾鼎字元友更字有实泰和人有孝行人称曰曾孝子元末为濂溪书院学正洪武三年以明经举引疾辞博学强记工诗擅八分书范金为小印章浑然古意【杨士奇东里集】

李汶字宗茂博学多才善汉 国初召为史馆编修与修元史授巴东南和令晚年归隐乡里扁其所居曰兼山艮所号石泉翁尝集蔡邕书成四言古诗以训其子宁门人张中谓其结体遒劲笔势飞动若长鎗大剑交驰其壮且武也若商彝周鼎之铭其文甚古也【李蕙太平府志】

郑煜字宗晦杓子洪武中辟兴化县训导天才逸出长于八分书【闽书】

宋季子以字行家于临川为诗文有法且留意于 古之学所获汉魏诸碑刻必夙夜潜玩三走鄱阳见伯诚先生欧君复悉以作 之法授焉复从龙虎山中质诸方壶翁从义翁于是学大进遂以善 书知名【宋濂重校汉 字源序】

谢章【大祖时人】詹同谢章 书歌云君不见天雨粟泣魑魅苍颉制字泄天秘科斗之文久茫然史籀秦斯两相继大小二篆生八分此后六书从简易邕邈 字近古淳羲旭行草纷如云谢章读书 更好使我见之过所闻不求妍巧自奇拙禹鼎周彝文断缺连昌宫中坠并钗赤壁江底沈沙铁鱼鱼雅雅锥画深一字岂但值百金冠冕佩玉古君子天生古貌多古心春蚓秋蛇世交错嗟我毫端久荒落墨池风暖白日长正欲相从谢章学【天衢舒啸集】

沈度字民则华亭人少力学善篆 真行八分书洪武中举文学不成就祖擢为翰林典籍一时翰林善书如解大绅之真行草胡光大之行草滕用亨之篆八分王汝玉梁用行之真杨文遇之行皆知名当世而胡解及度之书独为上所爱凡玉册金简用之宗庙朝廷藏秘府施四裔刻之贞石传于后世一切大制作必命度书书婉丽飘逸雍容矩度八分尤为高古浑然汉意累官翰林学士【东里集】

滕用亨字用衡苏州人问学辨博文词尔雅尤精六书之学篆法之妙高出近世永乐三年被荐召试篆书作麟鳳 龙四大字又献祯符三诗称防授翰林待诏【延休堂漫录】用衡所献祯符之诗三篇手写副本而正书篆 皆具盖用衡以能书荐起篆 尤其所长时未授职故欲以此自见也【匏翁家藏集】

程南云南城人永乐初以能书徵授中书舍人精篆 为时所尚正统中为南京太常卿【列卿记】南云篆法得陈思孝之传 真草俱有古则又善大字【书史防要】

张端将乐人少有才名景泰间以荐授铸印局使直南薰殿善楷草书尤工篆 丘琼山尝作考 辨以遗之【延平志】

林宗道字仲学景泰间领乡荐为文词气豪逸尤善 书晚年用笔益苍劲【闽书】

左赞字时翊南城人学书于程南云以词翰名于时天顺丁丑登进士第擢吏部主事成化中为广东右布政【何乔新椒丘文集】

左赞书法兼诸体而尤精于 得二蔡笔意【书史防要】

李东阳字宾之茶陵人四岁能大书景帝召见加诸膝赐宝璽举天顺八年进士授编修宏治八年入内阁十六年加太子太保户部尚书谨身殿大学士赠太师諡文正【吾学编】

涯翁篆胜古 古 胜真行草【弇州山人集】

李应桢名牲以字行更字贞伯长洲人景泰癸酉举乡试入太学授中书舍人宏治中为太仆少卿博学好古篆楷俱入格【列卿记】 文徵明曰家君寺丞在太仆时公为少卿徵明以同僚子弟得朝夕给事左右所承绪论为多一日书魏府君碑顾谓徵明曰吾学书四十年今始有得然老无益矣子其及目力壮时为之因极论书之要诀累数百言凡运指凝思吮毫濡墨与字之起落转换大小向背长短疎密高下疾徐莫不有法盖公虽潜心古法而所自得为多当为国朝第一其尤妙能三指尖掇管虚腕疾书今人莫能及也【甫田集】

少卿真行草 皆清润端方如其为人【书史防要】

文徵明名璧以字行更字徵仲长洲人以贡至京师授翰林待诏少拙于书刻意临学亦规模宋元既悟笔意遂悉弃去专法晋唐其小楷虽自黄庭乐毅中来而温纯精絶虞褚而下弗论也 书法钟繇独步一世生平雅慕赵文敏每事多师之论者谓诗文书画虽与赵同而出处纯正若或过之【文嘉行畧】 公于书未尝苟且或答人简札少不当意必再三易之不厌故愈老而愈益精细有细入毫髮者或劝其草应酬曰吾以此自娱非为人也李文正以篆自负及见公 曰吾之篆文生之 蔑以加矣【黄佐衡山文公墓志铭】 徵仲尝自负 法则不尚古人而歉于篆然余得其千文一本亦在呉兴堂庑也【艺苑卮言】

文彭字壽承号三桥待诏徵明子也少承家学善真行草书尤工草 咄咄逼其父以诸生久次贡授秀水训导擢国子助教于南京【王世贞呉中往哲像赞】 文彭篆分真行草并佳体体有法并自成家不蹈父迹才似胜之工力远不及父【詹氏小辨】

高濂字宗吕侯官人早岁善属词不乐举子业孤洁一世知名海内善 草八分【名藏】

徐兰字芳远号南塘其先余姚人后徙高邮为郡诸生累举不第遂潜心书法正书师钟繇宣示表草师王献之授衣天宝节过鹅还等帖皆淳古遒劲度越流俗尤精六书考究 画正其讹谬作古文奇字得邈鲁生笔法八分初法蔡邕淳于长碑不失矩度而晚年参以己意时人谓其书与程南云并驰远近求者无虚日兰亦高自矜贵间有挟势位使舆 致之辄白眼叱去曰吾岂祗役者耶人以是益重之【张时彻宁波府志】 徐兰与丰坊同时好作 字不师汉人而师宋庐陵朱协极苏学尝有协极所书敬斋箴石刻字画无法俗恶可厌后之人乃有好之如徐氏者亦其所遭然也【金薤琳琅】

陆师道字子传号五湖长洲人嘉靖戊戌进士授都水主事改仪部入直内阁以母老乞归起

为尚宝司少卿师事待诏刻意为文章及书画皆入能品【姑苏名贤小记】师道工小楷及古【冯允成集】

周绍元字希安华亭人思兼子隱居藻里工八分精篆刻【松江志】

周天球字公瑕号幼海长洲人少游文待诏门下习为书法待诏极许可之曰他日得吾笔者周生也及籍诸生不喜治帖括独好古文词日夜切劘久之其业乃成书法亦日有名为吳人所宗【于慎行谷城山房集】公瑕治大小篆古行楷皆模范文太史晚能自得蹊径一时丰碑大碣无不出其手【冯元成集】

王穉登字百谷先世江陰人移居吳门十歲为诗长而骏发名满吳防间妙于书及篆吳门自文待诏歿后风雅之道未有所归百谷振华啓秀嘘枯吹生擅词翰之席者三十余年闽粤之人过吳门者虽贾胡穷子必踏门求一见求其片缣尺素然后去【列朝诗集】王百谷书適古大胜真草【游居录】

孙得源字本卿楷宗顏平原八分法钟太傅小篆仿李丞相诗句出入陶谢元白诸家操行甚卓缙绅雅重之【何三畏漱六斋全集】

孙克宏字允执号雪居文简公承恩子以父任为应天治中擢汉阳知府正书仿宋仲温八分宗秦汉【松江志】

俞允文字仲蔚崑山人少工临池久而益擅之其小駉駉欧柳而上登吳兴堂行书出入褚河南稍縱之则米襄阳八分自谓得西岳碑体以方韩蔡蔑如矣【弇州续藁】

吳锦字有中休宁人受笔法于许元复书各体俱能分书入妙几过文待诏号六松山人【詹氏小辨】

王樗全初名鼎字康生太仓人书法健利有致晚得钟太傅受禅碑习之至忘寢食以故于八分尤精【弇州山人藁】

梁桂茂善八分书官临安知府【江宁府志】

江徽字仲徽婺源人诗极壮丽工八分书性傲岸时以方卢次梗云【徽州志】

陈壽徵以字行莆田人工数体书尤善八分【闽书】

章国舜字伯元号秀南新昌人隆庆改元贡入太学选得闽之政和令书法喜顏苏工汉独不好为草书【冯伯谨虚舟□】

李开芳字伯东别号还素闽永春人万歷中成进士授主事累迁南太仆卿临池之技纵横跌宕不减素师【叶向高苍霞余草】开芳好以篆 八分作署书自谓得斯邈遗意体势虽涉竒怪褻丈之字畧无怯涩亦人所难【书史防要】

胡宗仁字彭举上元人隱于冶城山下生而伟壮美髯晚年衲衣拄杖义手徐步须髯从风飘飖市人皆目为神仙【列朝诗集】宗仁擅汉 得中郎遗法【五杂俎】彭举师魏受禅碑简劲方正中雅气逼人【江宁府志】

郭天中字圣仆先世莆田人其祖以避寇徙秣陵不事生业专精篆 之学穷崖断碑搜访模搨寝食俱废晚年 书益进师法秦汉最为逼古【列朝诗集】

欧阳序字惟礼江宁人能诗词工篆籀仕福州府幕官罢归结茅于姑塘之麓终老焉【江宁府志】惟礼真师率更篆八分师二季与梁鹄结搆不疎古雅有意【金陵琐事】

宋珏字比玉莆田人善八分书规模夏承碑苍老雄健骨法嶄然【列朝诗集】

沈宏嘉字叔雅嘉兴人工篆 八分董氏戲鸿堂帖其手摹勒石也【 瑚网】

邝露字淑雅南海诸生工大小篆八分行草书诗曰峤野集手书开雕极精楷【广东通志】

马如玉字楚屿本张姓家金陵南市楼徙居旧院熟精文选唐诗善小楷及八分书

跋

九沙先生承都督公名儒之后世以理学经学显而先生尤邃于经所辑辨志堂书薄海内家家有之书学非其甚屑意者若 书又书学中一节耳而世人特宝贵之求书者往往趾踵相接绢素堆积几案阅数十年以为常既从事久凡目之所及心之所得举而笔之虽未尝有意勒成一书而沾勾学者亦已多多矣曾属余是正未几家烬于火与先代所传及他着一时俱尽是编其门徒程君雪汀所存别本也譌字颇多将镂版举以似余余不克订书数语归之乾隆甲子仲秋望日钱塘梁文泐拜手书

先太史纪年有云予素嗜字学尤笃于分 春和手柔取古来论 学及作 人姓氏彙为一编附以臆説及汉唐碑刻题识语数十则名九沙分隶偶存亦夙习未忘也福防侍先太史尝闻训季姊及寄伯兄书自叙年十三时见友人案头曹全碑一册假归仿之及少长游学入仕以迄归田遍求古今名迹临摹规画实有惬意以故兴酣落笔挥洒自如是编成于雍正辛亥之春年七十有三矣阅十载庚申家罹祝融之危所藏汉唐碑帖泊生平著述殆尽后于及门程君清标处得是编存藁不无鲁鱼痛先太史旋归道山未克订正福珍之篋笥有年顷来山左侄縣前章邱署中访知邑人焦君迪曾嗜古善书丐其校订縣前亟谋壽梓以公海内福因备述颠末记之縣前为伯兄承天次子伯兄字石梁号讷庵雍正己酉拔贡前阳谷令卒于官能嗣先太史临池之学季姊承保字季斋亦能以汉 法作擘窠大字归长沙进士周宣猷早没福谨附书于后以俟当世博雅君子采辑焉时乾隆己丑九月朔男福百拜敬识